

FIJIAN EASY-PRINT EDITION

NI DA SOKALOU 2022

NAI LAVELAVE NI KATINI
KEI NAI SOLISOLI

“..IA DOU VAKAROKOROKO VEI KOYA KA
BULI LOMALAGI, KEI VURAVURA, KEI NA
WASAWASA, KEI NA VEIVUREVURE-NI-
WAI”. (VAKATAKILA 14:7)



Seventh-day
Adventist Church™

South Pacific

ACKNOWLEDGEMENTS

COPYRIGHT

Copyright © 2022

General Conference of the Churches of Seventh-day Adventists®. All rights reserved. Published by Review and Herald® Publishing Association.

AUTHOR

Aniel Barbe

DESIGN AND LAYOUT

Johnetta B. Flomo

Jacinda Turnbull

COPY EDITOR

Sandra Blackmer

EDITORIAL ASSISTANT

Alan Hecht

IMAGES

gettyimages.com

DIVISION COLLABORATORS

William Bagambe, ECD

Josanan Alves, Jr., SAD

Jallah S. Karbah, Sr., WAD

Vladimir Petrovich Romanov, ESD

Mundia Liyalii, SID

Amir Ghali, MENA

Ioan Câmpian Tatar, EUD

Julian Archer, SPD

Julio Mendez, IF

Roberto Herrera, IAD

Jibil Simbah, SSD

Andy Chen, CHUM

NakHyung Kim, NSD

Zohruaia Renthlei, SUD

Michael Harpe, NAD

Maureen Rock, TED

PERMISSION

This material may be translated, printed, or photocopied "as is" by Seventh-day Adventist entities without obtaining additional permission. Republished documents must include credit: Stewardship Ministries of the Seventh-day Adventist Church.

BIBLE VERSION

Holy Bible, New International Version®, NIV® Copyright ©1973, 1978, 1984, 2011 by Biblica, Inc.® Used by permission. All rights reserved worldwide.

GENERAL CONFERENCE CONTACT

12501 Old Columbia Pike

Silver Spring, MD 20904

 gcstewardship@gc.adventist.org

SOUTH PACIFIC DIVISION CONTACT

148 Fox Valley Rd, Wahroonga

NSW 2076, Australia

 dianesamani@adventist.org.au

 stewardship.adventistchurch.com

PRINTING

Signs Publishing®, Australia

TABLE OF CONTENTS

ACKNOWLEDGEMENTS	2
WEEKLY TITHE AND OFFERINGS DEVOTIONAL VIDEOS	4
NA CAVA NA NOMU YALAYALA (REGULAR OFFERINGS)?	5
NA I TUVTUVUA NI SOLISOLI COKOVATA	7
THIRTEENTH SABBATH OFFERINGS 2022	7
I TUKUTUKU TAUMADA	8
JANUERI	9
VEVERUERI	12
MAJI	14
EVERELI	17
ME	20
JIUNE	23
JIULAI	26
OKOSITA	29
SEPITEBA	32
OKOTOVA	35
NOVEBA	38
TISEBA	40
ABOUT THE AUTHOR	44

WEEKLY TITHE AND OFFERINGS DEVOTIONAL VIDEOS

The *Tithe and Offerings Devotional Videos* are a weekly production of the Stewardship Ministries department with the intention of assisting every church member prepare for total worship. The content is both instructional and inspirational. These videos can be presented before the offertory appeal and also shared on social media platforms.

LERATO AND HER MONEY QUE\$TIONS: MAKING CHILD DISCIPLES WHO UNDERSTAND GOD AND MONEY—BOOK AND PARTICIPANT'S WORKBOOK.

Following the example of the Master Teacher, Michael Ngwaru creatively uses stories to share stewardship life's lessons with kids. His book addresses creating and managing wealth to grow disciples for God's kingdom. The *Participant's Workbook* by Johnetta B. Flomo motivates young disciples to reflect, analyse, and draw conclusions in a joyful and thought-provoking experience that naturally increases receptivity and internalization of values. These two, the book and workbook, can be used during family worship, promoted and studied in churches during children's Sabbath School programs, or used as textbooks for elementary and middle school students.

FIND OUT MORE ABOUT THE BOOK HERE: <https://stewardship.adventist.org/ebooks>
DOWNLOAD THE E-BOOK HERE: [https://stewardship.adventist.org/lerato-and-her-money-que\\$tions-ebook.pdf](https://stewardship.adventist.org/lerato-and-her-money-que$tions-ebook.pdf)

GOD FIRST MILLENNIAL VIDEOS

The *God First* video series was developed to help people connect with God, providing them a living experience of trust in Him. They are devised to answer questions about tithes and offerings that may still be in the minds of some members. They may be freely translated into other languages. Download the videos: <https://stewardship.adventist.org/god-first-video-series>

NA I YALOYALO NI I SOLISOLI KEI NA I KATINI A I DUSIDUSI

E rawa ni ko vakayagataka na i yaloyalo vakarautaki (dua ena vei Sigatabu) mai na QR code e toka e ra. Sa i koya oqo na i vakamacala ni kena vakayagataki:

- E dodonu me na vakaraitaki na i yaloyalo ni bera na kena kumuni na i Solisoli.
- Na veibolei kei na masu me na vakayacora o koya ena kacivaka na i Solisoli.
- Na i yaloyalo oqori ena rawa (ka dodonu) me na wasei talega ena veivatavata ni vakau i tukutuku kece sara, vaka tale ga kina na soqoni cokovata ni tabacakacaka, soqoni ni cauravou kei na goneyalewa, keba, matabose kece ena i soqosoqo lotu ka vaka tale ga kina na Macawa ni Masumasu ni Dauveiqaravi.
- Na i yaloyalo oqori e tabaki ena vosa vaka-Peretania, ia e soli na galala vei ira na tabacakacaka Levu ni lotu ena Division se na Union me ra vakadewataka ena vosa vaka i taukei.
- Na i yaloyalo tauoko, wili kina na kena i vakatagi (soundtrack) - sega ni wili kina na vosa kei na matanivila ena rawa talega ni vakarautaki ke kerei mai vei na Division kei na Union, ka na sega ni dua na kena i sau.
- Sa kerei vei ira kece na i Talatala veiqrarvi ena vei Soqosoqo Lotu ka vaka tale ga kina na i Liuliu ni Dauveiqaravi me ra vakayagataka na i yaloyalo e vakarautaki, me dau wasei vei ira na lewe ni lotu ni bera ni kumuni na i Solisoli.
- E na rawa ni saravi na i yaloyalo oqori ena i sema oqo: <https://stewardship.adventist.org/devotional-videos>





NI SE BERA NI KO WILIKANA I VOLA OQORI ENA DODONU MO KILA:

Ena rawa ni ko na wilika na i vola oqo: What is Promise? se Na Cava na Nomu Yalayala?

<https://stewardship.adventist.org/promise-offerings>

NA CAVA NA NOMU YALAYALA?

- ▶ Oqori na kena **vakawasoma** kei na kena **vakaivakarau** na soli ka (oqori e dudu mai na soli e sega ni lavaki),
- ▶ Na vakawasoma ni soli ka, e vakatautaki mai na vakawasoma ni rawa ka.
- ▶ Na kenai vakarau e na vakatautauvatataki kei na pasede ni ka e rawati.
- ▶ Na vakawasoma ni soli ka, na kena veiraurau vakapasede kei na vakayagataki vakamatau ni gauna e dodonu me yalataka e dua na tamata lotu (2 Korinica 9:7).
- ▶ E dodonu me na soli vakapasede se dua na i wasewase ni ka e rawati.
- ▶ E na vakatau vei koya na lewe ni lotu na i wasewase vakapasede ni ka e rawati me nona yalayala.
- ▶ Na yalayala oqori e rui ka bibi me vaka ga na i katini (Malakai 3:8-10).
- ▶ E na dodonu me na soli na yalayala oqori ena veika kece e rawati mai (Proverbs 3:9).
- ▶ E na sega ni namaki me soli na yalayala ni sega tiko ni dua na ka e rawati (2 Korinica 8:12).
- ▶ Sa na nona i tavi na lewe ni lotu me solia na nona yalayala ni otu na kena tikici tani na i katini (Vosa Vakaibalebale 3:9, Maciu 6:33)



NA KENA I KURI:

Ena Malakai 3:8-10, e rau biu vata ga ena dua na i vakatagedegede na i Sigana (Katini) kei na i Madrali (Solisoli). Qori e vakadeitaka e tolu na ka: (1) vakawasoma (vakatautaki ena rawa ka), (2) vakaivakarau (wasewase vakapasede ni ka e rawati), kei (3) na gaunisala ni kena vakalesui (e kau mai ki na i Lololo).

Na vada ni Kalou ko Ellen G. White e duavata tale ga kei na i Vola Tabu, ni tautauvata na i vakatagedegede e umani rau vata na i Katini kei na i Solisoli. E vakaraitaka tale ga o koya, ni gaunisala ni soli ka oqori e tokona talega na kena soli vakapasede na i Solisoli: "Ena kena i vakarau vakaivolatabu, na vakalesui ni Sigana kei na i Madrali, e duidui na levu ni ka era na solia na tamata yadudua, ka vakatautaki mai na levu ni nodra rawa ka." - *Counsels on Stewardship*, p. 73.

Ena dua tale na lewe ni nona i vola, e vakaraitaka na vada ni Kalou ni i Madrali kei na i Sigana, e dodonu me rau vakalesui ruarua ka sega ni vakatautaki vua se 'vei ira' na tamata yadudua. Na vakasama oqori e tautauvata kei na Malakai 3:8-10, ka vakadeitaka na vakanananu ni kena sega ni dau soli na i Solisoli e vakaraitaki ni noda sega ni yalo dina vua na Kalou. E vakaraitaka vakoqo na Vada: Na i vakarau ni i Soli ka oqo e sega ni vakatautaki ena noda vakanananu se gagadre. Na Kalou sa solia mai na vakasala tudei me da vulica. Sa vakadeitaka talega na Kalou na dina me baleta na i Sigana kei na i Madrali me yavu ni noda veidinadinati. Ka sa lomana na Kalou me da soli vakawasoma ka vakaivakarau." - *Counsels on Stewardship*, p. 80.

NA KEDRATOU DUIDUI NA I KATINI, I YALAYALA KEI NA I SOLISOLI E SEGA NI LAVAKI:

SOLI KA	I KATINI	I YALAYALA	SOLISOLI E SEGA NI LAVAKI
Vakawasoma	Vakatautaki ena rawa ka ni tamata yadudua	Vakatautaki ena rawa ka ni tamata yadudua	Sega ni vakawasoma. Ia e vakatautaki ena rawa ka ni tamata yadudua
Vakaivakarau	Wasewase vakapasede ni ka e rawati	Wasewase vakapasede ni ka e rawati	Vakatautaki ena lomasoli ni tamata yadudua
Lavaki	Tiki ni bula ena veisiga	Tiki ni bula ena veisiga	Vakatautaki ena veivakauqetni Yalo Tabu ena bula ni tamata yadudua
Vakapasede	Nakiti mai vua na Kalou (10%)	Vakatautaki vei ira, se vua na lewe ni Lotu yadudua (___%)	Sega (N/A)
Rawa ni Veisau na Pasede	Sega	Io	Sega (N/A)
Soli i vei	Lololo	Lololo	Vakatautaki vua na Lewe ni Lotu yadudua
Ciqomi mai vei cei	Mission, Union, Division, General Conference	Mission, Union, Division, General Conference	Vakatautaki vua na Lewe ni Lotu yadudua

NA I TUVTUVA NI SOLISOLI COKOVATA

USED IN SPD'S ISLAND FIELDS

"ME RA DUI SOLIA ME VAKA NA KA SA VINAKATA KO KOYA YADUA E NA YALONA; ME KAKUA E NA VORAKI, SE NI SA VAKASURARATAKI: IA KO KOYA SA SOLIA E NA MARAU SA VINAKATA NA KALOU." (2 KORONICA 9:7)


E tolu taucoko na i tuvatuva ni solisoli ka vakayagataki ena Lotu ni Kavitu ni Lesu Vakarua Mai e vuravura taucoko.

Na i Tuvatuva ni Solisoli

Cokovata sa i koya na i tuvatuva ka a vakadeitaki ena bose levu ni lotu ka yacana tiko na Annual Council ena 2002 ka a sala muria mai na vakatutu mai na World Stewardship Summit ena 2001.

Na i tuvatuva oqori e tokona na kena qaravi na veitabana kece ni lotu ena kena kumuni kece na i lavo ena dua ga na tobu.

Na i lavo taucoko e kumuni ena dua na gaunisala ni wiliwili ka vakatautaki ena vei Division kece sara ka vakaoqo na kena i wasewase: 50% ena Local Church, 20% ena General Conference me veivuke ena kena vakailavotaki na kaulotu, 10% na Local Union ka 20% na Local Mission ka vakailavotaka na kena qaravi na kaulotu ena mission kei na veivanua volekata. O ira na Division era sa vakayagataka tiko na I tuvatuva oqori e wili kina na: ECD, ESD, IAD, NSD, SAD, SID, SPD (Veiyanuyanu ena wasa pasivika), SSD, SUD, WAD.



THIRTEENTH SABBATH OFFERINGS FOR 2022

First Quarter	Southern Asia-Pacific Division	Maji 26
Second Quarter	Southern Africa-Indian Ocean Division	Jiune 25
Third Quarter	South American Division	Sepiteba 24
Fourth Quarter	South Pacific Division	Tiseba 31



I TUKUTUKU TAUMADA

Nai lavelave ni katini kei nai solisoli ena yabaki oqo 2022 e kacivi keda lesu kina sokalou vua na Kalou dina, ka uto tiko ni tukutuku ni agilos i lewe tolu(Vakatakila 14:6-13). Na keda meca na tevoro ena daucakava na veigaunisala eso me rawa ni vagolei keda tani kina mai vua na Kalou vakauasivi ena kena dauvakayagataki vakamatau na nodai lavo se na nodai yau. E dau vakavurea mai eso na veivakasama ni veika eda rawata se taukena e sega ni vu mai vua na Kalou, ka vu mai ena dua nai vurevure tani ka sa mai yaco na veilari oqo me vakasucuma kina lomada nai valavala duatani ni noda veiqrarv i dina vua na Kalou me baleta na veikabuli kei na kena qarauni na nodai yau. Ka sa mai yaco na veika oqo me vakatanitaka na nodai tavi dina vakadauniveiqrarv i. Na kenai tinitini ni sa yaco kina vei keda na tamata vakabauta me da sa mai tao ena dua na vanua ka sa mai wasei rua kina nai valavala ni noda sokalou, vua na Kalou kei nai yau.(Maciu 6:24). Nai naki ni lavelave oqo ena kena dauvoqa tiko vei keda ena veimacawa sai koya me vakaukauwataki keda me da vorata na veitemaki ni vuni ca. Ena veilavelave yadua ena dauvakatakilai mai e so na veisala vovou ni noda sokalou vua na Kalou salavata kei na ka eda taukena. So na yavu e lavetaki tiko sai koya: Na Kalou Dauniveibuli; Na Kalou Dauveivakarautaki; Na Kalou e noda i Vakaraitaki vinaka; Na Kalou e noda i Vakabula; Na Kalou e noda i Tokani voleka; Na Kalou e noda i Vakavuvuli. Na veivakasama kece oqo era yavutaki tu vakaivolatabu, ka veiwekani voleka sara kei na ka eda lako curuma ena veisiga kei na bolebole ena noda sorovaki keda vua na Kalou.

Sa vakamamasu tu yani na tepeli ni veiqrarv ni da veivakayaloqaqataki tiko ena kena laveti cake nai vakarau ni noda soli ka, ka me na yaco me ra basika ena noda veisoqosoqo lotu eso nai kumukumu tamata qaravi Kalou ena yalodina.

Aniel Barbe

MALAKAI 3:11,12 IA KA'U NA VUNAUCA NA DAUVAKACACA E
NA VUKUMUDOU, ME KAKUA NI VAKACACANA NA VUA NI
NOMUDOU QELE; ENA SEGA TALEGA NI SEWARUTA NA VUA
NI NOMUDOU VAINI E NA WERE, SA KAYA KO JIOVA NI LEWE
VUQA. A RA NA VOSAVAKALOUGATATAKI KEMUDOU NA LEWE NI
VEIVANUA KECEGA: NI DOU NA VANUA E DAUREKITAKI, SA KAYA
KO JIOVA NI LEWE VUQA.

JANUERI

VAKATEKIVU 1:1 ENAI
VAKATEKIVU SA BULIA NA
LOMALAGI KEI NA VURAVURA
NA KALOU.

MACAWA 1

NAI MATAI- NA VANUA DINA ME
TIKO KINA

JANUERI 1

VAKATEKIVU 1:1—“ENAI VAKATEKIVU SA
BULIA NA LOMALAGI KEI NA VURAVURA
NA KALOU.”

Eda sokalou vua na Kalou ni o ya nai matai ni nodai tavi. Nai dola ni Volatabu, “Enai vakatekivu na Kalou e vakadeitaka na nonai tikotiko na Kalou ki na noda bula ni bera nai tukutuku matailalai ni vanua e vu mai kina. Na nonai tutu ni dodonu mei matai ni ka ena noda bula e vakaraitaka na nona tu vakalou kai tekitekivu ni veika kecega. Vei Paula, na Kalou e Ulu ni tutu ni vale, ka vakakina vei Joni, na Kalou sai koya na Alifa. Ni voqa tiko vei keda ni Kalou e dodonu mei matai ni ka ena noda bula, ena sega ni rawa ni da lomatarotaro se vakatitiqataka ni dodonu li mei matai ni ka okoya kina noda bula se segai. Ni da vakaliuca na Kalou mei matai ni ka ena noda bula, eda via vakaraitaka tiko nio koya nai tekitekivu ni veika kecega. Ni da biuti koya na Kalou mei matai ni ka eda sa yaco me da duavata kei na veikabuli kecega ni vuravura oqo e na noda vakaliuca na Kalou.

E tukuni edua nai talanoa me baleti rau e rua na veitacini nodrau saga me rau tuva na puzzle ena loma ni nodratou vale. Rogorogo tiko na tamadrau ena nodrau sa veibataka tiko edua na tiki ni puzzle, ni dua e via vakasodoma enai mawi ka dua e nai matau. Vakaraici rau ena matadredredre qai kaya cake na tamadrau, Vakavo sara kevaka drau sa vakacobara donu na tiki ni puzzle qori ena qai taucoko kina na ka drau via saga toka oqori.

Vakavo sara kevaka sa biu donu na Kalou mei matai ni ka ena noda bula ena qai rawa ni taucoko na nodai lakolako. Ni da buli me da qarava na ka e tu vakavolivoliti keda, ocei eda vakaliuca? Kevaka ko vinakata me taucoko ka vuavuai vinaka na nomu bula kei na nomu veiqrarvi, digitaka mo vakaliuca na Kalou ena veika kecega.

MASU

Turaga, keimami vakacaucautaki Kemuni ni sai Kemuni na neimami tekitekivu. Keimami sureti kemuni mo ni matai ni ka ena neimami bula ka matai talega ni ka ena kena qaravi na ka keimami taukena. Keimami via tekivu vou vata kei Kemuni me rawa ni keimami cava vakavinaka. Emeni.

MACAWA 2

VAKATAUCOKOTAKI SARA

JANUERI 8

AISEA 43:11—“KOI AU, IO KOI AU GA KO JIOVA KA SA SEGA TALE NAI VAKABULA,
KOI AU GA.”

Eda sokalou vua na Kalou salavata kei na ka vinaka eda taukena baleta na Kalou e vakarautaka na ka talei duadua eda gadreva, sai koya na noda vakabulai. Na nona vakabulai keda e kovuti kina na bula raraba. Vua na Kalou e kune kina na veivakabulai e taucoko.

Oqo na veika e lako curuma o Roger. E dauqoli na turaga tamana ka sa vakacegu na marama na tinana ena gauna e se gone lailai sara kina. Rau veilomani ka veitauraki vakavoleka sara kei na turaga tamana ena nona bula voli ni bera ni qai mai yaco e dua na leqa vakacalaka. Me vaka ni dauqoli na turaga tamana, e na dua na siga na nona kabata nai vana ni waqa a mani yaco me lutu ka mani yali tawa macala yani ena wasawasa levu era qoli tiko kina. Sa mai tiko duadua voli yani o Roger, ka tekivu me sotava na dredre ena kena sega ni saumi nai curucuru ni vuli, sega na wekana ka sa mani lako curumi na bula dravudravua. Na veika oqo sa tekivu me biligi koya ena nona vakayagataka vakasivia na waigaga ni veivakamatenitaki. Ena dua na siga ea mani rogoca na Kospeli ka mani ciqomi Jisu kina me nonai Vakabula. Veisautaka vakadua na nona bula na nona sotavi Jisu. Biu kece na veika butobuto edau vakayacora e liu ka yaco me kunea edua na cakacaka, cicivaka edua nona bisinisi, tauyavutaka edua nona matavuvale, yaco me vakaluveni ka vakauasivi ena nona sa yaco me tuberi ira tale na tamata me ra kila na nonai Vakabula.

Mei dole ni ka levu e cakava ena nona bula na Kalou, ea mani vosa ni yalayalataka ni na dauyalodina ena nona vakasuka nai katini ka solia na nonai solisoli me yacova sara ni mate. Na cava na veisau sa cakava ena nomu bula na nodai Vakabula? Ena macawa oqo, ni da vakasuka na

nodai katini ka solia na nodai solisoli, me da vakaraitaka na noda vakavinavinaka ena vuku ni veivakabulai levu e cakava vei keda na Kalou.

MASU

Turaga, Vinaka vakalevu na veivakabulai o ni vakayacora vei Roger ka vaka talega kina veikeimami. Vukei keimami me keimami qaravi kemuni ena bula e veisau ka vakakina na neimami lomasavu e na veika keimami taukena. Emeni.

MACAWA 3

NA VEIMAROROI TAWAYALANI

JANUERI 15

2 TIMOCI 4:18—“ENA VAKABULAI AU NA TURAGA MAI NA KA KECEGA, KA NA VAKAYACORI AU TALEGA KI NA NONA MATANITU VAKALOMALAGI; ME IA VUA NA VAKAROKOROKO KA SEGA NI MUDU. EMENI.”

Eda sokalou vua na Kalou salavata na ka eda taukena baleta na nona veivakabulai kina noda bula mai na veikaukauwa vuni eso. Nai apositolo ko Paula e vakadeitaka na nona veimaroroi tawayalani na Kalou ena noda bula mai na veikaukauwa ni butobuto eso. Na nona veimaroroi na Kalou sai koya edua nai naki ni nona dauvakavinavinaka vua na Kalou o Paula.

E na gauna e se gone kina, e dau vakila ko Eric ni dau tadrataka eso na veitadra vakadomobula me vaka na veivakavuvuli e tuberi mai kina(tuberi ena vakabauta vakaidu(Hinduism). E dau vakavuna na nona dauyadra mai ka sorova tu na tagi ena lomaloma ni bogi. Ka kenai kuri ni vaka e ratou daurogoca eso na veirorogo vakadomobula ena veibogi e na yasa ni nodratou vale, ka vaka me ratou kasamitaka ni dua nai valavala butobuto e via vakayacori ena nodratou bula vakamatavuvale. Tiki ni nodratou vakasaqaqara bula sai koya na nona dau kau tiko o Eric vua edua na bete ni lotu Hindu me rawa ni yali tani kina na veika sa mai vakararawataki iratou tiko. Eratou vosa bubului me kakua ni koti na ului Eric me yacova ni sa yabaki vitu ka kani rarawa ni veika oqo e sega ni solia na vakacegu vua na gone oqo. Ni oti edua na gauna balavu,sa ratou qai nakita me ratou vakasaqara na Kalou ni Volatabu. E na veibogi, sa qai wilika tiko na Same 91 vua na marama na tinana ka tabaka tiko na uluna. Sa tekivu me vakila mai o Eric na veisau ka sa vakatekvu me yali yani na veika edau

vatotoganitaki koya tiko, ka sa vakatekvu me dauvulica na bula ni daumasu ni bera ni moce. Sa qai vakadeitaka ena vuni lomana ni bula e tiko duadua ga vua na Kalou koya e kaukauwa cake mai ena vei to kece ni butobuto e dau vakarerei koya tiko. Sa vakatekvu me sorovaka vakaoti na nona bula vua na Kalou.

Nai to ni butobuto e rawa ni ra rairai se tawa rairai, e rawa ni ra kilai se tawa kilai, ia era tiko dina ena keda maliwa. Ia na ka kece e sorovaki ka cabori vua na Kalou e vakadeitaki tu na nodra maroroi kei na nodra taqomaki. Ena macawa oqo, ni da sokalou,ka vakalesua nai katini kei nai solisoli, me da vakaraitaka na noda vakavinavinaka ena vuku ni veimaroroi tawayalani nei lomalagi ki na noda bula.

MASU: Kalou kaukauwa,keimami vakavinavinakataka na nomuni maroroi keimami mai nai to ni butobuto edau saga me vakaleqai keimami ka butakoca na ka o ni vakarautaka veikeimami. Nikua keimami sa laiva na neimami bula kei na ka keimami taukena ena ligamuni, ka kerea mo ni maroroya ka vakataudeitaka. Emeni.

MACAWA 4

NAI VAKASALA NI BULA

JANUERI 22

VAKATEKIVU 2:16-17—“A SA VAKAROTA NA TAMATA NA KALOU KO JIOVA, KA KAYA, E TARA MO KANA MAI NA KAU KECEGA SA TU ENA WERE; IA MAI NA KAU SA KILAI KINA NA KA VINAKA KEI NA KA CA, MO KAKUA GA NI KANA KINA; NI KO NA MATE VAKAIDINA ENA SIGA KO SA KANA KINA.”

Eda sokalou vua na Kalou vata kei na ka eda taukena baleta ni varautaka vei keda nai vakasala me da bula kina. Ena were ko Iteni na Kalou e nodrau Daunivakasala na vuda. Me vaka na tikina eda sa wilika, ni Kalou e vakasalataki rau ena ka me rau vakayacora vata kei na ka me rau kua ni vakayacora,kei na ririko e tiko ena nodrau saga me dua tale na ka me vakaisosomitaka na Kalou ena nodrau bula. O keda na tamata eda buli ka tu vata kei nai voladusidusi me da bula lako kina. Na Kalou e dodonu me taukena nai tutu ni vakatulewa ni noda bula me rawa ni da lewa matau na ka e solia vei keda. E vakarautaka talega nai valavala ni veiqaravi e uasivi ena nona Vosa kei na veituberi ni

Yalotabu.

E a gole vaka gade ena dua na vanua tani edua nai talatala ka gadreva me tiko ena rara ni waqavuka(airport) ni se bera ni kacabote na rarama, ka mani sauma sara e dua na motoka(taxi). E sega ni vakayagataka na GPS na draiva ni motoka oqo baleta ni vakabauta ni rawa ni yaco ena airport ena kena gauna. Rau mani vakacawiri tiko ga ena veitolo ni sala ena siti levu oqo ni sa tekivu me sese tiko vei draiva na gaunisala ena rara ni waqavuka ka ni rogoi talanoataka tu ga vua edua na nonai tokani. E na nodrau saga me rau kunea na sala kina rara ni waqavuka, rau mani wavokita toka ga na vanua oya, ka mani calata kina na nona waqavuka nai talatala oqo.

E sega ni dodonu me da vaka oya ena nodai lakolako ni bula oqo. Mai nai vakatekivu me yacova mai nikua, na Kalou e kila ka solia vei keda na sala dodonu. O ira ga era muria nai vakasala era na yacova na vanua yalataki. Ena macawa oqo ni da sokalou, kei na noda katini vata nai solisoli, me da nanuma na nonai vakasala na noda Qasenivuli vakalomalagi.

MASU: Turaga, sa dina sara nio kemuni na Daunivakasala vuku. Keimami sureti kemuni mo ni liutaka na neimami bula,neimami vakatulewa kei na neimami qarava vakavinaka na ka keimami taukena. Emeni.

MACAWA 5

NAI SAU NI BULA

JANUERI 29

TIKO VOLI MAI NA LEKUTU 8:17—"NI SA NOQU NA ULUMATUA KECEGA NI ISIRELI, NA TAMATA KEI NA MANUMANU E YAVAI VA: AU A VAKATABUI IRA ME NOQU, ENA SIGA KA'U A YAVITI IRA KECEGA KINA NA ULUMATUA NI VANUA KO IJIPITA"

Eda qarava na Kalou, vata kei na ka eda taukena, baleta na nona maroroya na noda bula. Eda nanuma nai talanoa kei Josefa vata kei Meri ena nodrau kauta mai na gone ko Jisu ena vale ni soro ni oti e tolusagavulu katolu na siga mai na nona sucu. Oqo na ka e vakatokai na nodra cabori na gone ka levu na lotu vakarisito sa mai vakadadamuria tu nikua. Na veigaravi oqo e tekivu sara mai na nodra sereki vakabobula na Isireli mai Ijipita. Enai katini ni mate ca, era vakamatei na ulumatua ni Ijipita ka maroroi ira na ulumatua ni Isireli na Kalou. Mei vakananumi ni veivakabulai oqo,nai tubutubu kece me ra sorovaka na nodra ulumatua vua na Kalou kei na veika tale eso e gadrevi me na cabori vata. Vakatau enai vakatagedegede ni rawa ka ni vuvale, ena daucabori e dua na lami yabaki dua se rua na ruve, ka cabori tu ena vakavinavinaka kei na kena vakabulai e dua na bula vakatabui.

Nikua na Kalou e se veivakabulai tikoga. O Eric e dua na cauravou ka vakadindinataka na veivakabulai ni Kalou. Dau nona cakacaka me vakasavasavataka na veikatubaleka ni dua na vale taba tolu. Ena dua na siga ni savata tiko e dua na katuba leka ena taba tolu,ka mani vakacalaka na nona sisi qai lutu sobu mai ena taba vale oqo. Ka veivakurabuitaki na nona bula na cauravou qo ka vakadinadinataka na nona veimaroroi loloma na Kalou, a mani yaco me solia na nona bula ka sorovaki koya ena vuku ni nona cakacaka na Kalou.

Ni oti na kena lako curumi na mate oqo na Covid ka sa vakamatea e milioni na tamata, o keda na maroroi ka da bula mai na mate oqo e dodonu me da dau vakavinavinaka. Ena macawa oqo, ni da sokalou, kei na noda solia nodai katini kei nai solisoli, me da vakaraitaka na noda vakavinavinaka vua na Kalou.

MASU

Turaga keimami sokalou veikemuni baleta na nomuni lomani keimami ka maroroya na neimami bula. Kerekere mo ni ciqoma na neimami soli ni vakavinavinaka kei na veisorovaki. Emeni

VEVERUERI

VAKATEKIVU 1:6 A SA KAYA NA
KALOU, ME DUA NA MALIWA
LALA, ME WASEI KINA NA WAI
MAI NA WAI.

MACAWA 6

VAKAVINAVINAKA VEI KOYA NA
DAUNIVAKASALA VINAKA

VEVERUERI 5

LUKE 14:28—"IA KO CEI VEI KEMUDOU,
KEVAKA SA VIA TARA VALE, ENA SEGA
NI TIKO SOBU MADA ELIU, ME WILIKA
NA KENAI VOLI, SE TU VUA NAI YAU ME
VAKAOTIA SE SEGAI?"

Eda sokalou vua na Kalou salavata kei na ka eda taukena baleta ni o Koya e noda Daunivakasala Vinaka. E vakatavuvulitaka o Jisu ni ka kece e lako vata mai na kenai sau ka sa rui bibi me da kila nai sau kei na kenai naki. Na yau ni veiqrarvi oqo e kovuta kece na noda bula raraba. Ni vakasavuligataki ena kauta mai na mosi, beci se madua.

E nuiqawaqawa tiko edua na cauravou me baleta na nona siga ni vakamau sa roro tiko mai. E vakadeitaka ni sai koya dina oqo na nona daulomani ia e mani lomaleqataka na veika vakailavo me baleta na nodrau tauyavu. Ni okoya taudua ga e veisaumi tiko, ka ni gauna e se cauravou tu kina e dau vakayagataki lavo vakaveitalia, tini sara ena dinau. Ka veikurabuitaki ni matai ni yabaki ni nodrau tiko vata, na kenai sau e veirauti vakavinaka me qaravi kina na bula ni uvuale. E kauta mai na vakacegu, ka daubula tu nai lavo me yacova na veisaumi ka tarava. E rawa vakacava oqo? Ena nona vakavakarau me vakamau, sa dauvakasala tiko vua nai talatala me dabe ka cakacakataka nai sau ni ka e varau tauyavutaka. E rau vulica na maroroi ka. Segu ni dua veirau e vulica na ka me baleta nai lavo kei na kena maroroi, ia ena nona veivuke na Kalou kei na bula vakaivakarau sa rau vamatautaka na bula ni mamaroroi kei na tuvatuva ka.

Nikua, eda sa bula ena dua na bula sa dau vakayagataki vakaveitalia na ka ka sega ni da dau tuvatuva ka kina. Nai yaloyalo varaitaki sa dau veirawai ena ka era vakaraitaka mai ka levu sa vakayagataki lavo ena ka era raica, tara, boica se tovolea ka kenai tinitini na bula vakaloloma. Na noda

Daunivakasala vinaka, koya e taukena na ka kecega e solia veikeda na veivakasala vinaka me da kakua ni lutu enai cori oqo. Ena macawa oqo, ni da mai sokalou, salavata na nodai katini kei nai solisoli, me da biuta na Kalou kei na nonai vakasala me dabe dei ena noda vakasama se na noda bula.

MASU

Turaga, keimami vakacaucautaki kemuni enai solisoli loloma ko ni varautaka ki vei keimami ka salavata na neimami vakavinavina enai vakasala momona o ni vakarautaka. Emeni.

MACAWA 7

VU NI LOLOMA KEI NA
YALOLOLOMA

VEVERUERI 12

MACIU 25:40—ENA QAI VOSA NA TUI, KA
KAYA VEI IRA, AU SA KAYA VAKAIDINA
VEI KEMUNI, NI KEMUNI A CAKAVA VUA
E DUA SA LAILAI VEI IRA NA WEKAQU
OQO, NI A CAKAVA VEI AU.

Eda sokalou vua na Kalou, salavata na ka eda taukena baleta ni sureti keda tiko meda vakaitavi ena cakacaka ni loloma. Na Maciu 25 e talanotaki kina na ka me ra cakava o ira era waraka tiko na nona rairai mai vakarua o Jisu. Na vosa vakatautauvata ni tini na yalewa e vakatavulica na bibi ni kena tarai cake na bula vakalotu ni dua na tamata. Na vosa vakatautauvata ni taga koula e varaitaka na taledi eda dui vakayagataka me tosoi kina na cakacaka ni Kalou. Kenai otioti na vosa vakatautauvata ni sipi kei na me e vakananumi keda na bibi ni noda loloma kei na yalololoma ena vuku ni veiqrarvi vua na Kalou. Ni da wawa tiko, ena sega ni taucoko na nodai tavi kevaka eda sega ni qaravi ira na vakaleqai. Ena gauna ni veilewai na Kalou ena tarogi keda enai valavalna ni noda qaravi ira na tani.

Nai soqosoqo lotu na *Beau-Bassin* mai Mauritius e sa digitaka me gaunisala ni loloma kei na yalololoma ena nodrai tikotiko. Rua na yabaki sa oji e sotava e rua na vakaloloma nai Talatala e veiqrarvi tiko kina. Tarai na lomana ena kedrau i tuvaki ka mani tarogi rau se cava na ka rau rawa ni vuksi kina. E rau sauma mai ni rau gadreva me rau vakani ka ni dua na kalougata levu vei rau ni dausoli vei rau na kakana. Me sotavi na gagadre oqo, sa dau veivakani nai soqosoqo lotu oqo vakadua ena veimacawa vei ira na vakaloloma ka rauta tiko ni 25 kina

40 na kedrai wiliwili. Biubiu nai Talatala ni oti na nona veiqaravi ka ra sa qai mai tomania tiko yani na lewe ni lotu. Lewe vuqa era sa curu talega ena cakacaka vinaka oqo ka ni yabaki oqo era na marautaka kina na 25 na yabaki ni nodra veivakani tiko.

Me vaka ni da tisaiipeli i Jisu, o na digitaka li mo vu ni veivakalougatataki me rawa ni kauta mai na marau vei ira na tamata ka vaka kina vua na Kalou? Ena macawa oqo, sa tu edua tale na bolebole vou vei keda me rawa ni da vu ni veivakalougatataki ni da mai sokalou, salavata na nodai katini kei nai solisoli.

MASU

Turaga, keimami via cakacaka vata kei Kemuni ena ka keimami taukena me rawa ni valuti kina na vakaloloma ka kauta mai na vakacegu vei ira keimami bula veimaliwai kaya. Vukei keimami me keimami dewadewa ni nomuni loloma kei na yalololoma. Emeni.

MACAWA 8 NA KA E TAURA ENA VAKALEVUTAKI VEVERUERI 19

JONI 6:9—“SA TIKO EKE E DUA NA GONETAGANE SA TU VUA E LIMA NAI BULI MADRAI PARILE, KA RUA NA IKA: IA KA YAGA VAKACAVA OQO VEI IRA NA LEWE VUQA VAKAOQO?”

Eda sokalou vua na Kalou salavata na nodai katini, solisoli, vosa ni yalayala kei na kani loloma baleta na ka e ciqoma ena dauvakaikuritaka. Nai talanoa ni kenai vakaikuritaki na madrai sai vakadinadina ni rawa ni veisautaka o Jisu na vanua dravuisiga me vanua soutu. E sega ni dua na ka e lailai vua na Turaga ka rawa ni na vakaikuritaka ga na ka e soli vua. Na kakana e vo tiko mai vale, na kakana e ratou sa kania oti na tisaiipeli kei na kakana e vunitaki tu beka ena sega ni rawa ni vakaikuritaki. Na kakana lailai ga e solia na cauravou oya e qai vakalevutaka o Jisu. E ratou vaqaqara voli ena kedra maliwa na lewe vuqa, a mani solia mai na kena madrai kei na ika na gone oya ka mani yaco me vakalevutaka o Jisu.

E dua na cauravou e via talatala. Me vaka ni sega na koronivuli ni vuli talatala ena nona vanua, ea mani vaqara curu ena rua na koronivuli ni vuli talatala e vanua tani. Ka

ni rarawa ni mai sogo ena dua vei rau na koronivuli oqo ena vuku ni tiko yavavala, ka sega ni rawa ni curu ena kena i karua ni sega ni soli nona volatara ni curu vanua se Visa. Vakasauri na nona sureti ena valenivolavola ni lotu ena nona vanua ka mani tukuni sara me rau veitalanoa kei na dua na turaga ka mani tarogi koya, O via vuli Talatala dina? E mani sauma yani ena yalodei ka sa mani vakaiotaka sara na turaga oqo me sauma na nonai curucuru ena koronivuli cava e digitaka. Ena siga koya, ea vakadinadinataka kina ni ka eda solia vua na Kalou ena dau vakalevutaki. Ena ka lailai e tu vei iratou vakavuvale, kea maroroya tu o rau na nonai tubutubu na nodratou katini kei nai solisoli ena sega ga ni rauta nai curucuru ena koronivuli sa varau gole kina oqo.

Ena veitalanoa veivakurabuitaki oqo ni rawa ni vakalevutaka na Kalou na ka eda taukena, e sega li ni kilikili me da mai sokalou vua vata kei na nodai katini kei nai solisoli?

MASU

Turaga Jisu, ni vukei keimami me keimami kila ena gauna ni neimami leqa, na ka uasivi duadua me keimami cakava sai koya na kena dauvakasukai ga veikemuni na ka e dodonu me Nomuni. Vakalevutaka na neimami vakabauti Kemuni na Kalou o ni dauvakalevutaka na ka keimami solia vei Kemuni. Emeni.

MACAWA 9 NA KALOU DAUVEISOTAVI KA DAUVEIVAKARAUTAKI VEVERUERI 26

1TUI 17:14—“NI SA KAYA VAKAOQO KO JIOVA NA NODRA KALOU NA ISIRELI, ENA SEGA NI OTI NA SAQA MADRAI DROKA, ENA SEGA TALEGA NI MACA SOBU NA TAVAYA WAIWAI, KA ME YACO MADA NA SIGA ENA VAKATAUCA NA UCA KO JIOVA KI VURAVURA.”

Eda digitaka me da soli vakawasoma ka vakaivakarau baleta na nona veivarautaki tawa yalani vei keda na Kalou. Nai talanoa ni waiwai kei na madrai droka nona na yada ni Sarifaci e vakadeitaka na nona loloma tawa mudu na Kalou kei na kena dau vou ena veimataka. Ena veisiga kece ena loma ni tolu veimama na yabaki, e tu ga na kakana ena nona dela ni tepeli ka sega vakadua ni via kana.

Nanuma tu na Kalou na nona vosa ni yalayala vua na yada oqo ena nona sotavi Ilaijia. Ena gauna ni tu leqaleqa, e veivakarautaki tiko na Kalou.

Nikua e se veivakarautaki tikoga na Kalou. E ratou toki ena dua na vanua vou edua na matavuuale mani lai sotavi na leqa ni bula vakailavo. Musuki eso na vanua e dau vakayagataki kina nai lavo ia se sega ga ni veiraurau. Sa mani yaco me ratou vakatulewataka me sa kua na soli e valenilotu se cegu mai na koronivuli ni vuli yaya ni vakatagi na nodrau cauravou. Ni oti e vica na gauna ena nodratou daumasulaka sa ratou mani duavata me sa cegu o cauravou mai koronivuli. Ni oti ga e vica na siga, ea tomika cake edua na waqa ni vola e loma ni vale na tinadratou, ka lobi sara tu vakamaqosa, sega ni dua na yaca e volai toka kina. Ena levu ni nodratou kurabui, e ratou kunea nai lavo e loma ni waqa ni vola ka rauta vinaka nai curucuru nei cauravou e koronivuli ena loma ni tolu na vula. E ratou vakila na nona veivakarautaki na Kalou.

So na ka ena davyaco ena noda bula e rawa ni da dau temaki me da kua ni solia na ka e dodonu me nona na Kalou. Kevaka sai koya oqo na dredre eda lako curuma tiko, me da vakatara na nona yalodina na Kalou me vakauqeti keda. Ena macawa oqo me da qarava na Kalou ena kena vakasukai na nodai katini kei nai solisoli mei dole ni ka levu e vakarautaka ena vukuda na Kalou.

MASU

Turaga, vinaka vakalevu na nomuni Kalou sega ni veivukiyaki ka rawa ni keimami nuitaki Kemuni tiko ena neimami bula ena veisiga. Vukei keimami me keimami dauraica lesu na nomuni yalodina vei keimami. Emeni.

MAJI

VAKATEKIVU 1:16 A SA BULIA E RUA NA VU-NI-RARAMA LELEVU NA KALOU: NA VU-NI-RARAMA LEVU ME LEWA NA SIGA, NA VU-NI-RARAMA LAILAI ME LEWA NA BOGI.

MACAWA 10

GAUNA VOU NI LOTU-SE
(WALDENSIANS)

MAJI 5

LUKE 8:3—"KEI JOANA NA WATI I KUSA NA MATANIVANUA NEI EROTI, KEI SUSANA, KA LEWE VUQA TALE, ERA SA QARAVI KOYA E NA NODRAI YAU."

E da kauta mai nodai katini, solisoli kei na ka ni loloma baleta na Turaga e vinakata me da duavata kei koya e na kena vakacavari na cakacaka ni kaulotu. Na gauna ni nona veiqaravi o Jisu e vuravura, e vica na veitokani marama era vakarautaka eso na kani loloma kinai otioti ni nona veisiko ena yasayasa vaka-Kalili. Na vua ni veiqaravi oqo e basika kina na vutuniyau ni veivakavulici, vakatakilai ni nona kaukauwa kei na vakarabailevutaki ni vanua e teteva yani na kospipeli. E ra sikova na yasayasa vaka-Kalili, kei na taudaku kei Isireli me vakataki Taia, Saitoni, Peciseita kei Tikapoli. E na taudaku kei Taia, Jisu e tokaruataka na cakacaka mana ena nodra vakani na lewe 4,000 na tagane, wili kina o ira na kai matanitu tani, ka vakatakilai koya ni Madrai ni Bula kei vuravura.

E na gauna oqo, levu sara nai tabagone e ra soli bula tiko e na kena kau na kospipeli kina so na veivanua dredre ni curumi e na Tokalau E Loma. Na kenai tuvaki na Lotu-Se e na gauna ni butobuto levu, e vakayagataki e so nai tuvaki ni bula ni tawa lotu mei dewadewa ni kena vunautaki nai tukutuku vinaka. E so e ra vuli ena koronivuli torocake (Universities). Dina ga ni ra gonevuli, ia na nodra takete sai koya me ra vakasaqara e so na gaunisala me ra wasea kina na nona loloma kei nai talanoa kei Jisu ki vei ira na nodrai tokani. E dua vei ira na Lotu-Se ni gauna vou oqo, e vola e dua ni tukutuku ka vaka koto oqo ne, "Na nomu tiko e na dua na vanua vulagi sa dua na bolebole levu. Yawa mai na nomu matanitu, nomui tokani, kei na nomu

lewe ni matavuvale. O sa na vulica talega mo bulataka na nodrai tovo, kilai ira na kena tamata, kena kakana vata kei na draki." Ia na noqu sorovaki bula e sega vakadua ni vakayavalati baleta, "na vuli torocake (Universities) e dua na vanua ni kaulotu veivakuraibuitaki duadua. Qo na vanua o sotavi ira kina na nomui caba kai tabavata, rawarawa na nomu veikilai, kei na veigaunisala duidui eso me wasei kina na vosa ni Kalou ka tadola tu na vakasama me ciqomi kina vakarawarawa na rarama.

E dua na tiki ni katini kei nai solisoli e vakayagataki kina kena tokoni na nodra cakacaka nai tabagone. O rawa talega ni na veivuke e na kena vakarabailevutaki na tabana ni veiqraravi vakaqo? Vakaitavitaki e na macawa oqo e na kena vakasukai lesu nai katini kei nai solisoli ka vakatokai na Yalayala.

MASU: Turaga, keimami vakavinavinakataki Kemuni e na vukudra nai tabagone o ira nai yatu eliu ni kaulotu. Maroroi ira ka vakalouugatataka na nodra cakacaka. Vukei keimami me keimami kakua ni calata na veigaunisala ni kena tokoni na kaulotu enai otioti ni gauna.

MACAWA 11

VAKAITUKUTUKU NI LOTU E VURAVURA

MAJI 12

Adventist World Radio (AWR) na tabana ni vakauitukutuku ka nona na General Conference ni Lotu ni Kavitu e vuravura. E sivia e 1000 na siteseni ni retio kei na vanua ni kabukburaki e vuravura tauoko, na veivakalotutaki ena talevoni, kei na so tale na gacagaca ni kaulotu ena mona livaliva e vakayagataka na AWR me yacovi ira kina e dua nai wiliwili levu ni tamata e vuravura na kospeli.

Na Retio e sei lutua tikoga ni yavu ni vakauitukutuku e na nona vuravura. E sega ni dua na kena bai, ilati ka sega talega ni vakaiyalayala na nona veiqraravi. E curuma na veivalevale kei na yalo ni tamata oya na vanua e levu na daukaulotu e sega ni rawa ni ra yacova.

Na takete levu ni tabana ni vakauitukutuku ni lotu e vuravura sai koya na katubaleka tini vasagavulu (10/40 Window), ka semai kina na Vualiku kei Aferika, Tokalau e Loma kei Esia. Na veivanua ka tasogo tiko ena vuku ni Kospeli, ia e rawarawa na kena tarai ira ena retio.

E na yabaki sa oti, na AWR's na kena "Vakatakilai na Parofisai vakai-Vola Tabu" kei na vuli ni "Otioti ni Gauna kei Vuravura" e ciqoma e milioni na dausarasara mai na sagavulu na duivosavosa. Levu nai yaloyalo oqo e se tu ga i cake na kedrai sausau mai vei ira na dau goleva nai ulutaga ni vuli ni parofisai ena You Tube kei na Google.

Ena veisiga, na AWR e ciqoma na emails, ivola kei nai tukutuku mai na veiyasai vuravura. E dua nai vola oqo e kaya, "Na Vakatakilai ni Vuli ni Parofisai" e veisautaka ka vakavouya na noqu matavuvale. Au a susugi ena Lotu Baptist kau dau curuma na valenilotu ena vei Siga Sade, kau sa vakalouugatataka ena noqu vulica na dina ni Siga Tabu kau sa nakita meu sa na curuma na valenilotu ni Kavitu ena mua ni macawa oqo."

VEIBOLEI: Nai solisoli ni kua ena vagolei tiko ki na Adventist World Radio, ka kacivaki tiko kina nai tukutuku vinaka ena loma ni 50 vakacaca na yabaki. Ena gauna oqo, na AWR sa kabukburaki tiko ni rauta e 100 vakacaca na duivosavosa, ka tuvani talega kina na vakavakarau ni vunau ni veivakalotutaki kei na Tiko Bulabula ka rauta ni 500 na veimataqali vosa me rawa ni ra vakarorogo kina na veimatatamata e na noda vuravura. Vinaka vakalevu na nomuni veimasulaki kei na kena tokoni na AWR ena vuku ni veikacivi tawa mudu oqo.

MASU: Tamai keimami, vinaka vakalevu na gaunisala me keimami cakacaka vata kina kei kemuni ena nodra vakabulai na yalo. Kerekere mo ni vakalouugatataka na veiqraravi ni Adventist World Radio. Keimami kila ni Yalo Tabu ga e rawa ni dolava na gaunisala oqo, ka na vakabulai kina e levu na yalo e na nomuni matanitu, ena yacai Jisu, Emeni.

MACAWA 12

NA DRAIVA TAWA RAIRAI

MAJI 19

SAME 18:2—"A NOQU ULUVATU KO JIOVA, KEI NA NOQU I DRODRO, KEI NA NOQU I VAKABULA; A NOQU KALOU, O KOYA NA NOQU KAUCAUWA, KA'U NA VAKARARAVI VUA; A NOQU I SASABAI, KEI NA NOQU KAUCAUWA KA'U SA VAKABULAI KINA, KEI NA NOQU VALE NI VALU CECERE."

E da qarava na Kalou vata kei na veivurevure ni nodai yau

baleta o koya na noda Dauniveivakabulai. Mai na nona sa lumuti ni se qai yabaki 15 me laki yacova na nona gauna ni qase, na Tui o Tevita e lako curuma eso na gauna dredre ka vakadomobula. Meu cavuta eso: na nona sotavi ira na laioni kei na pera, Koliaci na tuwawa, na Tui o Saula, kei na Iuvena o Apisalomi. Ena vuku ni nona maroroi, o Tevita e kama na yalona e na nona vakavinavinaka, qarava na Kalou ni o koya na Vatu, nona Bai ka Dauniveivakabulai.

E dua na matavuvale daukaulotu mai Matakasika (Madagascar) e vakila talega na cakacaka mana ni Kalou kei na veitaqomaki. E na dua na mataka lailai, na vuvale tolu na lewena oqo, dua na gone vula ciwa, vata kei na so tale na veitokani, e ra lako ena dua nai lakolako ka rauta ni 12 na auwa na balavu ni vanua e lakovi. E na siga levu tutu, ni oti na vakasigalevu, e ra vakariri sara me ra kakua ni calata na nodra soqoni. E ra gole tiko vaka kina Ra ka sa dromu tiko yani vakamalua na matanisiga e matadratou. Sa tekivu me duitayana mai na veitalanoa ka sega ni dede vakalailai sa rogo cake mai na domo ni moce lutu mai nai dabeledabe e yasai draiva. Sa tekivu talega me viamoce o draiva. E moce vakavuqa ena levu na gauna ia e se dei tiko ga vua me ra yaco ki na vanua ni soqoni e na gauna donu. Ni oti ga e vica na sekodi sa sega tale ni qai vakilai o draiva. E ratou kidacula ni sa coqa na muai liu ni motoka oqo ka sa qeqera na kena Iloilo. E mavoa sara vakaca na motoka ka veivakurabuitaki ni ra sega ni mavoa bibi sara na lewe ni pasidia. E bula vinaka o gone ka davo tikoga e na meteresi ka volia o rau na nonai tubutubu ni se bera ni ratou lako mai. E na vica nai kalawa vakarivirivi mai na vanua e yaco kina na vakacalaka oqo, e ra qito voli kina e vica nai lala cauravou. E ra kurabuitaka ni motoka oqo e levea e rua na vunikau lelevu vata kei na so nai keli titobu ka tu e na yasa ni motoka. Kevaka walega e yali ena kedra maliwa na Draiva Tawa Rairai, me vuksi ira, kea veisautaka vakadua nai tinitini ni talanoa oqo.

Na Kalou nei Tevita vata kei na matavuvale daukaulotu oqo e se bera ni se yali se malumalumu me yacova mai ni kua. O nanuma beka ni Noda Dauniveivakabulai e vinakata me da qaravi koya vakataucoko. Na macawa oqo, e na vuku ni nodai katini kei nai solisoli sa vakatokai na Yalayala, me da qaravi koya kina na Dauniveivakabulai Qaqa.

MACAWA 13

NA DAUVEIVAKARAUTAKI TAWA YALANI

MAJI 26

FILIPAI 4:19—“IA NA NOQU KALOU
ENA SOLIA ME RAUTA KECEGA NA
NOMUDOU DRAVUDRAVUA, ME VAKA
NA NONAI YAU LEVU, E NA VUKU I
KARISITO JISU.”

E da qarava na Kalou baleta e tawa yalani na nona veivakarautaki. E na dua na siga o Eparama erau a veitalanoa vata kei na Kalou ena gauna sa vakamacalataka kina na Kalou me baleta na Iuvena ka na vakasucuma ko Sera kei na veivakalougatataki e na yacovi koya nai karua ni nona kawa. Ni yaco na veilecayaki, o Eparama e kerekere vua na Kalou. Vakatekiu 17:18, “A sa kaya vua na Kalou ko Eparaama, Me bula mada e matamuni ko Isimeli!” Na nodrau veitalanoa na Kalou vata kei Eparaama e vakavulici keda e dua na dina levu me baleta na nona veivakalougatataki na Kalou. E lomaleqa o Eparama ni kevaka sa na vakalougatataki nai karua ni Iuvena o Aisake, sa na sega ni dua na kalougata e soli vei Isimeli. Na Kalou e vakadeitaki Eparama ni rau na vakalougatataki ruarua. O Koya na Dauniveivakarautaki Tawa Yalani.

Na vakabauta ena kena lekati na nona veivakalougatataki na Kalou sa tuberi ira eso me ra cakacaka ena duidui gaunisala. Oqo e so nai yaloyalo ka dina ka tiko ena vakanananu: “Kevaka e dua sa ciqoma, au na sega ni ciqoma, se, e na rawa ga ni na vakalailai.” Na veivakayavalati vakaoqo e bulia na yalo ca, veiqati kei na veitawasei.” Dua tale na kenai vakaraitaki, “Kevaka au solia ka wasea e na lalai sara sa vo me na yaga vei au. Au sa vakayalia kece na ka au rawata.” Oqo e vakalailaitaka na nomu yalo vinaka ka vakarabailevutaka na nomu loma qiqo. E dina ga, ni vakanananu cala vakaoqo e tarova na dina ni nona veivakalougatataki na Kalou. E na sega soti sara ni matavinaka me da solia nai ulubale mai na rai ga vakatamata ka guilecava na nona veivakarautaki na Kalou levu oqo. Ki vei Koya, eda na sega vakadua ni na lala, kevaka mada ga e da solia na noda ka kecega.

O kila tiko beka ni Kalou e maroroya tu e vuqa na veivakalougatataki tawa kilai me baleti keda vakayadudua. Na macawa oqo, me da vakaraitaka ena nodai katini kei nai solisoli vakatokai na Yalayala, ni da vakabauta na nona veivakalougatataki na Kalou.

MASU

Turaga, keimami laveti kemuni ni sai kemuni na Kalou Tawa Yalani o koya e vakarautaka vei keimami na neimami votavota vakatabakidua kina ka levu ni nomuni yau. Vakalevutaka na neimami vakabauta ka vukei keimami me keimami kila nai yaloyalo matata me baleti kemuni.

EVERELI

AISEA 40:26 DOU TA CAKE, KA RAI YANI: KO CEI SA BULIA NA VEIKA OQORI?

MACAWA 14

TABU ME NONA NA KALOU

EVERELI 2

VOSA VAKAIBALEBALE 3:9-10—“MO DOKAI JIOVA ENA NOMUI YAU, KEI NAI SEVU NI NOMU VUATA KECEGA: ENA QAI TAWA SARA KINA NA NOMU LOLOLO, KA VUABALE NA NOMU KELI NI WAINI ENA WAINI VOU.

E da sokalou vua na Kalou kei na noda I solisoli baleta na noda isolisoli e vakatabui se tabu me nona na Kalou. Na vosa na vakatabui e dauvakaveiwekanitaki ki na Siga Tabu kei na ikatini, ka segai ga ena isolisoli. Ia na I Vola Tabu e vutucoqa kina na veitikina e so ka vosa me baleta na “tabu” ni isolisoli. Na I soro ni valavala ca (sin offering) kei na I soro ni caka cala (guilt offering) (Vunau ni Soro 6:25, 7:1-2) e vakanotaka na iVola Tabu ni rau “ka tabu sara” ka vaka talega kina nai madrali laukana se (grain and food offering) (Vunau ni Soro 2:3, 22:10). Na kena kau mai nai solisoli e gaunisala ka vakarautaka na Kalou me baleti ira na luvena ka tiki talega ni sokalou kei na kena marautaki na veiwekani kei na Kalou. Oqo e tiki ni nodra bula tu na Isireli. Na kena vakaweleweletaki se vakawaleni na ka oqo e tautauvata ga ni da sa butakoca tiko na veika e nona na Kalou (Malakai 3:8) kei na vakarokoroko e dodonu me vakarautaki vua.

E Isireli, na kena soli na I solisoli se na kena vakabori na veisoro oqo, o ira na tamata ni Kalou e ra vakaraitaka na nodra sokalou kei na vakavinavinaka, ena nodra

marautaka ka ra vakadeitaka ni Kalou e vurevure ni veika kecega, e Turaga, e taukena na veika kecega, e dauveivakarautaki ka dauveivakabulai. E vakaraitaka talega na nodra talairawarawa me ra vakarorogo vua na Kalou, na nodra tokona na veiqaravi tabu kei na nodra vu ni veivakalougatataki vei ira na tamata. E na so na isolisoli, na Kalou e lavaka na kena levu ni ka me soli, ia ena so tale na I solisoli, e vakatautaki ki na nona digidigi na tamata yadua. Ia na yavu bibi ni kena soli na isolisoli, sa i koya na kena laurai me soli vakadodonu na I solisoli (Vakarau 16:17) kei na kena soli na ka vinaka duadua vua na Kalou (Vunau ni Soro 22:20).

Nikua e ra lewe vuqa e ra nanuma, ni solisoli e dodonu me tautautavata ga kei na ikatini. Ena gauna ni sogosoqo oqo, e dina ni lutu ruarua na levu ni ikatini kei na isolisoli, e laurai ni lutu vakalevu sara nai solisoli mai na i katini. E vuqa na gauna, o keda e da dau solia na ivovo ni ka me noda isolisoli. Ena macawa oqo, ni da qaravi koya na Kalou ena noda solia na noda isolisoli, ka vakanotaka tiko na Yalayala, yalo vinaka me dau dokai ka muri na veiyavu tabu e vosa kina na I vola tabu me baleta na isolisoli.

MASU: Turaga, keimami vakavinavinakataki kemuni ena galala ni qaravi Kalou. Ni vukei keimami me keimami taura vakabibi na I vakavuvuli vaka iVola Tabu ni kena vakasukai na isolisoli.

MACAWA 15

WASEA NA NONA ITUKUTUKU VINAKA NA KALOU.

HOPE CHANNEL INTERNATIONAL, INC.,

EVERELI 9

Ena veisiga kece, na Kalou e vakayagataka na biau livaliva ni kakaburaki ni Hope Channel me yacovi ira kina e udolu vakaudolu na tamata e ra sarava mai se rogoca na I tukutuku ni nuinui kei na loloma ni Kalou. E sivia e 68 vakacaca na siteseni ni Hope Channel e na veiyasai vuravura ka ra kakaburaki tiko, ka sivia e 80 na duivosavosa. Na inaki nei Jisu e sa vakayacori ka vakavotukanataki ena kaukauwa ni Yalo Tabu. E dina sara ni sa “Matua tu na were” (Luke 10:2).

Ena gauna drakidrakita ka tawa kilai ni bula e vuravura, na Kalou e vakayagataka tiko na Hope Channel me kaburaka na I tukutuku ni nuinui e solia na vakacegu ka vukea na

nodra rawa ni sema mai na tamata ena veiyasai vuravura e so, e ra bula tu kina. Na porokaramu ni Hope at Home, e sa mai vatavata ni lotu ena mona livaliva ki vei ira na lewe vuqa ena veiyasai vuravura, ena kena kaburaki mai na itukutuku e veibolei, vakatagi kei na tiko bulabula mai vei ira na kena dau. Ena rawa ni ko sema mai ena **HopeTV.org/AtHome**. Na vatavata ni vuli vola tabu oqo, na HopeStudy, e sa vakarawarawataka na kena vulici e vuqa na veiulutaga me vaka na, vakacaudrevi na bula ni masu, mo lako curuma vakacava na gauna dredre kei na vulici ni kena kilai vakavinaka na vosa ni Kalou. E sa laurai talega na nodra italanoa e lewe vuqa e ra veisau mai ka rawa ni saravi na veitalanoa oqo ena **HopeTV.org/Transformed**. Keimami bolei kemuni mo ni sureti ira na nomuni uvuale mo ni sarava talega mai na Hope Channel.

VAKAMAMASU: E gadrevi sara vakalevu na nomuni veitokoni ki na veiqravi ni Hope Channel ni vakarautaki kina na veika e gadrevi me vakacokotaki kina na veiqravi ni biau livaliva ni kakaburaki oqo.

Na General Conference e ciqoma e dua na I wase lailai ni isolisoli ka dau vakau mai ena vei division, ka vota lesu ki na veiqravi ena veivanua. E wili tale tikoga kina na veiqravi ni Hope Channel. E tiko talega na waqa ni vola ni solisoli e kumuni vakatabakidua ga me baleta na veiqravi ni Hope Channel.

MASU

Turaga, Vinaka vakalevu na nomuni veisureti me keimami vakaitavi ena cakacaka ni tatamusuki. Kerekere ni vakalougatataka na veisolisoli oqo kei ira na nomuni tamata dauniveiqravi. Ena vukui Jisu na neimami iVakabula. Emeni.

MACAWA 16

LOLOMA SEGA NI VAKAIYALAYALA

EVERELI 16

JONI 3:17—“NI SA SEGA NI TALA MAI NA LUVENA KI VURAVURA NA KALOU ME CUDRUVI IRA NA KAI VURAVURA; ME BULA GA KO IRA NA KAI VURAVURA E NA VUKUNA.”

E da qaravi koya na Kalou ena noda dau soli ka kei na kena soli vakaivakarau baleta ni Kalou e solia vei keda e dua na ivakarau ni loloma ka tawa vakaiyalayala. Na Joni 3:17 e vakatakila vei keda na ivakarau kei na rabailevu ni veivakabulai ni Luve ni Kalou. O Jisu e lako mai me mai veivakabulai, ka kauta mai na Bula oqo ki na vuravura taucoko. Ni da muria na we ni yavai Jisu ena cakacaka ni nona veivakabulai e kenai balebale ni da ciqoma ni cakacaka oqo e baleti vuravura taucoko. Na noda solia na isolisoli kei na ikatini e gaunisala ni noda rawa ni vakaitavi ena cakacaka ni veivakabulai oqo ki vuravura taucoko.

E dua na I talanoa ka baleta e dua na I Talatala ka veiqraviti koko ena dua na i soqosoqo lotu ka tiko ena dua na koro ni cakacaka. Na isoqosoqo lotu levu oqo e kilai tani ena nodra dau yalo savu ena soli ka. E ra dau guta me soli ka ena kena gadrevi me vakavinakataki na nodra vale ni lotu, ka so na gauna e vakawalenii saraga kina na nodra solia na isolisoli kei na ikatini. Na i Talatala oqo e sega ni vakavulici ira na lewenilotu e kea, me baleta na rerevaki ni bula ni nodra nanumi ira tiko ga vakataki ira kei na bibi ni nodra veitokoni ki na cakacaka ni lotu raraba e vuravura taucoko. E dokadokataka ni o koya e iTalatala ni soqosoqo lotu levu ka rawa ka vakavinaka. Ni oti e vica na yabaki, e veisau na vanua ni nona veiqravi ka sa qai vulica na revurevu ni qiqo ni vakasama ka tu vua ena vuku ni veiqravi.

E vakacava tu beka na noda rai me baleta na nona cakacaka na Kalou? E da vakabulai baleta ni Kalou e vakagalalataki lomalagi mai me tala mai na Luvena ki na vuravura oqo. Kevaka e da rai lesu, e na dua na gauna, na lotu taumada e tala mai e dua na dau kaulotu ki na noda vanua. Ni da raica na ivakaraitaki e biuta vei keda o Jisu, ko gadreva beka mo dewadewa ni loloma ki na veimatanitu, mataqali, duivosavosa kei na mata tamata? Ena macawa oqo, ni da mai vakasuka na ikatini kei na isolisoli, ka vakatokai na Yalayala, oqori e dua na gaunisala ni nomu vakaitavi ki na veiqravi raraba ni lotu e vuravura taucoko.

MASU: Turaga, na nomuni loloma e tawa vakaitalatala, oya na vuna keimami vakabulai rawa kina. Keimami vakacaucautaka na yacamuni. Ena neimami soli ka, vukei keimami me keimami matanataka na neimami loloma vei ira kece na tamata. Emeni.

MACAWA 17

NA VAKAMAMASU NI TURAGA EVERELI 23

MALAKAI 1:6—“SA VAKAROKOROKOTAKI TAMANA NA GONE; KA SA VAKAKINA NA TAMATA VUA NA NONA TURAGA: IA KE’U SA TAMAMUDOU KOI AU, KO CEI SA VAKAROKOROKOTAKI AU? IA KE’U SA TURAGA KOI AU, KO CEI SA REREVAKI AU? SA TAROGA KO JIOVA NI LEWE VUQA VEI KEMUDOU, NA BETE, KA SA BECA NA YACAQU. IA DOU SA KAYA, KEITOU SA BECA VAKAEVEI NA YACAMUNI?”

E tiki ni sokalou na noda solia na I katini kei na isolisoli, ka vakaraitaka oqo na noda doka ni Kalou e noda Turaga. Na noda dolea na I tutu vakaturaga ni Kalou, e vuqa na gauna, e dau dredre. Ena dua na bogi buto, e raica rawa o Kavetani ni waqa na kataremoremo ni cina ni yawa tiko mai. E vakatotolo ko Kavetani ena nona sa vakaroti koya na daunisikinala me vakauta na I tukutuku, “veisautaka na nomu kosi tolusagavulu na diqiri ki na Ceva.”

E sega ni bera sa lesu tale mai na kena isau mai yasana kadua, “veisautaka na nomu kosi, tini na diqiri ki na Vualiku.

E cudru ko Kavetani ni sega ni rogoci na nona lewa ka vakauta lesu e dua na itukutuku, “veisautaka na nomu kosi, 10 na diqiri ki na Ceva, o au na Kavetani.

Sega ni bera ni sa lesu tale mai na kena isau mai yasana kadua, “veisautaka na nomu kosi, tini na diqiri ki na Vualiku, o au o Jone na kaimua, na noqu itutu au katolu ni kalasi ena veta ni veiqaravi.

Ena dela ni cudru e vakau lesu na iotioti ni tukutuku mai vei Kavetani ka vaka, “Veisautaka na nomi kosi, tini na diqiri ki na Ceva- o au na waqa ni valu.

Ena gauna vata oya, e vakalesui mai kina na I tukutuku mai yasana ka dua, “veisautaka na nomu kosi 10 na diqiri ki na Vualiku, o au na vale ni cina.”

E dua na ka vakarerevaki ni da sega ni dau dokai koya na Kalou, na Turaga. Ena vuku ni ka oqo, e vakamamasu kina o Malakai ki vei ira na tamata ni Kalou me ra lesu ka dokai koya na Kalou. Ena nodra sa rogoca na veisureti oqo, e ra domo vata na tamata ka kaya, “me keitou lesu vakaevei? (Malakai 3:7). E sauma mai na Kalou na nodra loma tarotaro ka tukuna vei ira ni ra sa biuti koya ena nodra sa sega ni solia na nodra ikatini kei na isolisoli.

Na gauna e da okata kina na I lavo me gaunisala me da kilai kina, vakanuinui me maroroi keda se lomana na ilavo, e sa turaga ni noda bulu na ilavo ka segai na Kalou. E da sa vakatara me uasivita na I tutu ni Kalou ena noda bulu, na noda vakaliuca tiko na ilavo. Na ivakavuvuli me baleta na kena vakasukai na ikatini e virikotora na Kalou me rawa ni da vakaliuca, doka ka kila kina ni Kalou o koya na Turaga. Ena macawa oqo mo kakua ni calata na nomu matanataka na nomu vakatusa ni Kalou e nomu Turaga ena nomu vakasuka na ikatini kei na isolisoli, ka vakatokai tiko na Yalayala.

MASU: Keimami marau ni keimami rawa ni vakatamani ka vakaturaga vei kemuni. Ni vupei keimami ena neimami ivakarau ni bulu kei na soli ka me laurai ni keimami rokovi kemuni me Turaga ka Tamai keimami. Emeni!

MACAWA 18

VAKADADAMURIA NA KALOU VAKAIVAKARAU EVERELI 30

JEREMAIA 31:35—“SA KAYA VAKAOQO KO JIOVA, KO KOYA SA SOLIA NA MATA-NI-SIGA ME KENA RARAMA NA SIGA, KA LESIA NA VULA KEI NA KALOKALO ME RARAMA KINA NA BOGI, KO KOYA SA VAKAMARAVUTAKA NA WASAWASA NI SA VADUGU NA KENA BIAU: KO JIOVA NI LEWE VUQA NA YACANA.”

Eda sokalou vua na Kalou e na noda qarauna vakavinaka na veika e tu ei keda ena sala vakaivakarau baleta ni da vakadadamuria tiko na Kalou e vakaivakarau. E dua na ka talei me baleta na veibuli ni Kalou sai koya na rairai maqosa kei na kena vakaivakarau na nona veibuli. Na kena tuvai vakamatau na gauna, me vaka na veimacawa, veivila kei na veiyabaki e tusanaka ena domoilevu me baleti koya na Kalou, na Dauveibuli ni vuravura oqo. Me vaka ni da tamata vakabauta, e da dau tukuna ni da buli me da ucui koya na Kalou ka noda idusidusi tiko na Kalou. Sa dodonu vakakina vei ira kece e ra gadreva me ra ucui koya na Kalou me ra nanuma vakavinaka sara na veivosa oqo, “Ia me caka me rairai vinaka na ka kecega, ka vakadodonu talega...” (1 Koronica 14:40). Na ivakarau ni kena sa matau vei keda e dua na itovo se kila ka ni veiqaravi, e sega ni dodonu me iulubale ni kena sega ni qarauni na kena vakayacori vakaivakarau na sokalou kei na soli ka.

E dua na turaga e dau kudruvaka voli ni ra dau butakoca tiko na tamata na nona ilavo, ka bau kilakasamitaki iratou talega kina na luvena kei na watina. E na dua na siga, eratou solia vua na nona itokani e dua na ivakasala. E ratou tukuna vua, “kevaka ko na digitaka mo solia e dua na iloloma vua na Kalou, e na sega ni dua na tamata e na butakoca na nomu ilavo. E ciqoma me sa na vakamuria mada na ivakasala oya. Ena siga in veisaumi, e taura mai na nona ilavo ka vunitaka. Ni oti e vica na siga, ea nanuma mai na turaga oqo na nona digidigi oya. E kurabui ni laki raica na I lavo, e sa vo tu ga vakalailai na ka e a maroroya tu. E na levu ni nona cudru e kaila ka vosa vakacacataki watina kei iratou na luvena. E tukuna vei iratou, “o kemudou dou sa butakoca na nona ilavo na Kalou, ia na Kalou ga ena qai sauma vei kemudou.” E sega ni vosa o watina, e taura ga e dua na peni kei na I vola ka vola kina e dua nai tukutuku ka soli ki vua. Na gauna e sa raica kina na turaga oqo na drauniveva oya, e sa qai nanuma mai ni o koya ga e a vakayagataka tiko vakalalai na ilavo ka sega ni kauwaitaka na ivakarau ni nona vakayagataka na ilavo.

Na gauna e kabuwacara kina na noda bula vakailavo, e dau dredre saraga vei keda me da kunea na bula marau, ka dredre talega me da yalodina vua na Kalou ena noda vakasuka na ikatini kei na isolisoli. Ko gadreva li mo marautaka na bula totoka e sa tuvalaka oti tu na Kalou me baleta na nomu bula? Vakatovotovotaka mada mo qarauna ka vakaivakarautaka na nomu vakayagataka na veika e sa solia tu na Kalou vei iko. Ena macawa oqo, e da sa bolei me da vakaraitaka nai yaloyalo ni bula vakaivakarau ni Kalou ena noda qaravi koya ena kena vakasukai na ikatini kei na isolisoli ka vakatokai na Yalayala.

MASU: Vinaka vakalevu Turaga na I vakaraitaki vinaka ni bula vakaivakarau ko ni sa mai biuta tu me keimami vakadadamuria. Kerekere ni solia vei keimami na vuku kei na yalomatua me rawa ni keimami bulataka kina na bula vakaivakarau ena veika kecega keimami cakava. Emeni.

ME

VAKATEKIVU 2:9 A SA
VAKATUBURA MAI NA QELE
NA KALOU KO JIOVA NA KAU
KECEGA SA VINAKA NA KENAI
RAIRAI..”

MACAWA 19

SOLISOLI ME BALETI IRA NA
VAKALEQAI KEI NA VIA KANA
(VAKARAUTAKA NA ADRA)

ME 7

JEREMAIA 29:11 “NI’U SA KILA KOI
AU NA NANUMA NI YALOQU E NA
VUKUMUDOU, SA KAYA KO JIOVA, NA
NANUMA MO DOU VINAKA, KA SEGА NI
CA, KA ME’U SOLIA VEI KEMUDOU NAI
NUINUI VINAKA NI GAUNA EMURI.”

Ena so na gauna ni da dau lako curuma kina eso na dredre, sotavi kina na rarawa kei na vutugu, me vaka saraga na veika eda lako curuma vata tiko mai ena yabaki sa oti kei na yabaki oqo, dau rawarawa sara ni da sa guilecava kina na dina ni tiko na nona i tuvatuva cecere na Kalou vei keda. Oqo saraga na ka dina – ni Kalou e tiko na nona i tuvatuva cecere me baleti keda – wili talega kina na vei matavuvale eso ko vakaleqai na nodra rawa ka vakailavo se era vakaleqai ena mate oqo na Covid. Na veika taucoko vakaqoqo e sa i vakatakilakila tiko, ni o Jisu sa vakarau lesu tale mai.

Na noda i solisoli edai ena vupei ira sara tikoga vakatabakidua, o ira na wekada ko ra vakaleqai tu ena veiyasai vuravura ka na veitokoni vakalevu sara ki na Tabana ni veiqraravi na Adventist Development and Relief Agency (ADRA) kei na Adventist Community Services (ACS), na tabana ruarua ni lotu ka dau soli veivuke tiko e vuravura taucoko sara, ka wili talega kina na matanitu levu ko Amerika.

Rauta ni 20 na milioni na tamata ko ra vakaleqai tu vakayago ena vuku ni mate oqo na Covid19, era sa vupei ena Tabana ni veiqraravi vinaka oqo na ADRA. Na nomuni solisoli edai ena vuakea sara vakalevu na nodra bula na lewenivanua me vaka na kakana, wai, vale, vuli, rawa ka vaka-i-lavo, kei na qaravi ni tauvimate – ka sa mai

vakaleqa tu na mate vakarerevaki oqo. Ni da soli edai, eda sa vuakea tiko na kena vakalesui tiko na bula vinaka vei ira na wekada e vuravura taucoko ka na kauta mai vei ira na i nuinui kei na bula vinaka era gadreva dina sara tu ga edai.

VEIBOLEI: Noda soli ka ni kua, ena veisautaka sara vakalevu na nodra bula na vakaleqai tu edai. Na bibi ni noda tokona na cakacaka ni ADRA kei na ACS, e sivia cake sara na i lavo — baleta ni na laki vuakea ena kena laki caka vakavinaka kina na nona vale e dua na uvuale se tamata, veisotavi ena kena vakarautaki na wai savasava me laugunu, kakana bulabula me laukana, na kena maroroi vakavinaka na nodra bula ena loma ni dua na vale vinaka kei na vuqa tale na ka – na noda veitokoni edai e baleta vakatabakidua saraga na kena matanataki na loloma ni Kalou me rawa ni ra kilai Jisu kina.

MASU: Turaga, vinaka saka vakalevu na gauna talei oqo, ni rawa ni veivuke na veivakauqeti ni Kalou na Yalo Tabu me keimami veivuke ki na Nomuni cakacaka ena nodra vupei na tamata taucoko e vuravura vakauasivi ko ra sotava dina tu na leqa edai. Ni qai vakalouugatataki ira talega, ko ra kauta saka tu na ka ni veivuke oqo e vuravura taucoko sara. Emeni.

MACAWA 20

NA KALOU DAU VEIVAKAUWATAKI! ME 14

VAKARUA 8:18—“IA MO NI NANUMI JIOVA GA NA NOMUNI KALOU: NI SAI KOYA SA SOLIA VEI KEMUNI NA KAUWATAKI MO NI RAWATA KINA NAI YAU, ME VAKATAUDEITAKA KO KOYA NA NONA VEIYALAYALATI, SA BUBULUI KINA VEI IRA NA NOMUNI QASE, ME VAKA EDAIDAI.”

E dodonu me da na qarava na Kalou ena noda i yau baleta o Koya na i vurevure ni noda vutuniyau. E so vei keda ena sega ni ciqoma vakarawarawa na i tukutuku oqo baleta ni sega beka ni levu na ka eda rawata sara tu ga edai, se e sega tu beka na noda i vola ni lavo ena baqe. Ena so na gauna, eda dau vakasaqara tu kina, na veika eso me da vakalouugatataki kina ka da sega ni da dau raica rawa tu na veika e sa vakalouugatataki keda rawa tiko mai kina na Turaga. Oya na vuna edau temaki kina na lomada me da lomalomaruataka na i balebale vakayalo ni vosa oqo na “vutuniyau”. Na taro oqo: rawa beka ni da sa rui vakasamataka vakabibi sara na

keda i tinitini ka da sega ni raica rawa tiko ena veisiga na “kaukauwa e solia tiko vei keda na Kalou ka rawa ni da na vutuniyau kina”?

Dua na siga e a tarogi e dua na turaga me baleta na duidui e koto vei koya kei na marama na watina. Rogoca na ka e tukuna: “Ena gauna taucoko au via kana kina ni'u suka mai na cakacaka, au biuta ga na noqu beki ni cakacaka e vale, lako sara vakatotolo ki vale-ni-kuro, dolava na kuro ka vakasaqara na kakana vinaka duadua me'u na kania. Ia e duidui na marama na watiqu. Ni via kana o koya, ena dolava na kovate kei na kato ni wai liliwa, taura mai tuba eso na kakana droka me vaka na kakana draudrau ka vakarautaka kina na kakana me na laukana.” Oqo e 2 na i walewale duidui ena kena sotavi edua na gagadre: na via kana. E dua e vakasaqara na i tinitini ni ka oya ka dua tale e vakayagataki kina na veika e sa tu rawa.

Mai na noda nuiqawaqawataku tu, se na noda yalomailai beka ni da sega ni da dau rawata na i tinitini ni veika eda dau gadreva tu me da na rawata, sa rui ka bibi me da raica na veika sa tu rawa vei keda ka da rawa ni da na vakayagataka me rawati kina na veika eda sasagataka tiko. Oqo e okati taucoko talega kina na noda bulabula vinaka, na noda kaukauwa, taledi kei na i solisoli talei tale eso e solia tiko mai vei keda na Kalou. Ni da sa raica vakayalomata na veika taucoko oqo, na Kalou sa na qai vakaukauwataki keda me da na vakayagataka na veika sa vakalouugatataki keda rawa tu kina, me vaka na nona vosa ni yalayala vei keda. Sa dua na ka talei dina ena noda solia na noda bula me da cakacaka vata kei na Kalou ena kena vakarautaki na veika eso me sotavi kina na noda bula ena veisiga. Ena macawa oqo, ena noda vakasuka lesu tale vua na Kalou na i katini kei na noda i solisoli, vakatokai na “Yalayala”, eda sa vakacaucautaka tikoga kina na Kalou, ena nona vupei keda tiko ena veisiga, vakauasivi na kena vakayagataki na veika e sa tu rawa vei keda me rawa ni da rawata kina na veika eda gadreva dina tiko me da na rawata, ia na veika taucoko oqo e vakarautaka tale tu ga mai o Koya vei keda.

MASU: Turaga, au sa vakavinavinaka saka vei Kemuni me baleta na veika talei ko ni sa solia tiko mai vei kemami me keimami rawa ni vakayagataka me rawati kina na bula sautu. Sa i kemuni dina ga na Kalou Dauveivakarautaki. Emeni.

MACAWA 21

BULATAKA NA BULA NI SOROSOROVAKI

ME 21

1 JONI 3:16—"E NA KA OQO EDA SA KUNEA KINA NA LOLOMA, NI SA SOLIA KO KOYA NA NONA BULA E NA VUKUDA: E DODONU ME DA SOLIA NA NODA BULA KOI KEDA TALEGA E NA VUKUDRA NA VEIWEKANI".

Eda qarava na Kalou ena veika e vakalougatataki keda kina baleta na nona loloma vakaitamera vei keda. Biuti lomalagi o Jisu ena nona nanumi keda na kawa tamata i valavala ca. Dina ga ni sotava o Koya na vei dredre eso ena kena tarovi na nona mai veisorovaki ena vukuda, ia e vakayacora ga ena nona nanumi keda taucoko sara, e na nona mai solia na nona bula me mai mate vakaloloma sara ena vuku ni noda i valavala ca. E rawa walega oya baleta ni sa rui lomani keda vakaidina. Baleta ni da matataka tiko na Kalou ena vuravura oqo, na yalo ni veisorovaki oya, e dodonu me na tiko talega vei keda. Oya saraga na veika era a cakava na tamata ni Kalou ka ra a tauyavutaka na lotu ni Kalou oqo me vakataki J. N. Andrews.

Ena gauna e a mai bula duadua kina kei na rua na luvedrau, ni oti na nona mai vakacegu na marama na watina, sa qai ciqoma o John Andrews na kaci ni Kalou me la'ki kaulotu ki Europe. O koya saraga na i sevu ni lewe ni lotu ni Kavitu ni Lesu Vakarua Mai me kaulotu ena yasa ni vuravura oqo. E a ciqoma o koya na kaci ni Kalou oqo, dina ga ni sega ni matata tu vua na kena i sau vaka-cakacaka. Dau vakau tu vua eso na i lavo me kena i sau ena vuku ni nona cakacaka vaka-kaulotu ia e dau vaka-gauna sara tu. Ena so na gauna, e dau tabaka o koya eso na tiki dua kei na so tale na draunipepa ni lotu me vakataka na "Les Signes des Temps", edua na tiki dua vaka-Varanise, me dau veisoliyaka ki vei ira na tamata ia edau vakayagataki tale tu o koya na kena i sau vaka-cakacaka. Ena vuku ni tikina oya, eso na siga sa dau sega na kena kakana kei na vica tale na ka, ka dau gadreva tu ena veisiga me bula vakavinaka tiko kina. Ena 1877, e a tauvi koya na "pneumonia" ka tukuna na vuniwai ka qaravi koya tiko, ni "na tamata oqo, sa voleka sara tu ga qo ni mate baleta na via kana!" Oti e dua na yabaki, mate na luvena yalewa ena "tuberculosis". Tosoya tu ga o koya na nona cakacaka ni kaulotu ka sega vakadua ni via suka e muri me laki yacova sara na nona mai vakacegu, ni sa yacova na yabaki 54, ka

ni a mai tauvi koya talega na mate vakarerevaki oqo na "tuberculosis". Veivakurabuitaki dina na kena i talanoa na turaga oqo!

Eda sa bula donumaka tiko edai, edua na gauna ka sa rui dredre dina na noda kunea se rawata na i lavo se na veika tale eso me na vakayagataki ena vuku ni nona cakacaka na Kalou. Qai mai kuria tale tu yani na noda sa mai waraka tu ga me yaco mai eso na ka ni veivuke me tokona na cakacaka ni Kalou. Vakaraitaka na Vada: "Ni yali ena nodra bula na tamata ni Kalou na bula ni veisorovaki, na Kalou e okata oya ni da sa cakitaka na yaca nei Jisu Karisito. O ira taucoko sara ko ra gadreva me ra dua bau kei Jisu Karsito ia era dau vakasabusabutaka na nodra i lavo ena i sulu rairai vinaka eso, ena kakana sau levu, yaya ni vale talega ka ra sau lelevu; o ira na vakaoqo era lotu va-Karisito ena yaca walega. Na tamata lotu dina, me vakataki Jisu na nona bula ni veisorovaki." (Review & Herald, Oct. 13, 1896). Ena macawa oqo, na i katini kei na i solisoli taucoko sara, vakatokai na "Yalayala", e yavutaki ena bula ni sorosorovaki, na bula saraga nei Jisu Karisito.

MASU: Turaga keimami vakacaucautaki Kemuni ena nomuni mai matanataka na bula ni veisorovaki cecere duadua ena vuravura oqo; ena nomuni mai vakabulai keimami kina. Ni vukei keimami saka edai me keimami bulataka talega na bula ni veisorovaki vakaoqo ena veisiga, wili kina na neimami sorovaka tiko vakaoti na veika taucoko sara ko ni dau vakalougatataki keimami saka tu mai kina ena veisiga kecega. Emeni.

MACAWA 22

E VAKARAUTAKA NA KA KECEGA

ME 28

FILIPAI 4:19—"IA NA NOQU KALOU ENA SOLIA ME RAUTA KECEGA NA NOMUDOU DRAVUDRAVUA, ME VAKA NA NONAI YAU LEVU, E NA VUKU I KARISITO JISU."

Eda solia na i katini vua na Kalou baleta ni da vakabauta ni o Koya na Kalou Dauveivakarautaki. Ni oti na nona rawata na qaqa mai vei ira na kena meca, o Eparama sa qai solia taucoko na i katini ni kakana kei na i yau kecega e rawata mai kina vua na bete ko Meleseteki (Vakatekivu 14). O Jekope, na makubui Eparama, e yalataka talega ki vua na Kalou me soli katini ni oti na nona mai vakabulai vua na

tuakana ko Iso (Vakatekivu 28). Na i katini e ka vakatabui me vaka e vakaraitaka na Vunau ni Soro 27:30, "Ia nai katini ni vuata kecega ni vanua, na sila ni vanua, se na vua ni kau, sa nei Jiova: sa tabu me nei Jiova". Jisu e vakaraitaka ni dodonu me da solia na i "katini ni ka taucoke ga" (Luke 18:12), wili talega kina na veika lalai taucoke sara (Maciu 23:23a). Cava na vuna e dodonu me da solia kina na i katini ni veika taucoke ga?

E sega ni bibi na i lavo eda solia me i katini; ia e vakatakarakarataka edua na ka e bibi cake sara. E vakananumi keda tiko ena veigauna kece sara me da dau vakananumi Koya tiko na Kalou, o Koya ka solia tiko mai vei keda na veika taucoke ga. Kaya na Vada, "E kerea tiko vei keda me da vakadinadinataka tikoga ni o Koya na Kalou ka solia taucoke tiko vei keda na veika eda gadreva ena veisiga kecega; koya saraga oya na vuna, ni veika taucoke eda rawata mai Vua, me da na solia lesu tale ki Vua na kena i katini kei na noda i solisoli, me ra kau taucoke mai ki na lololo ni Kalou, sa i koya na valenisoro" (Counsel to Stewardship, pp. 80-81). Ni da solia vakinatikina ga, kena i balebale, eda via tukuna tiko ni Kalou e solia talega vakinatikina vei keda na veika taucoke ga eda na rawata ena vuravura oqo.

E dua na qito era dau qitotaka vakalevu na tamata ka rawa ni da vulica mai kina na bibi ni noda vakararavi tiko vakaoti ki vua na Kalou. Ena qito oqo, eda na kerei me da na sogota vakadua tu na matada, ka rau lewe rua tale na tamata, me rau na qai biligi keda tiko me vaka ga eda vodo tiko ena dua na i lilili. Ni otu edua na gauna vinaka ni da vaka tiko oya, eda sa na vakila ga mai edua na vakacegu dina ni tara na noda bula. E rawa duadua ga oya kevaka eda sega tale ni da qai dolava na matada, ka me na sogo tu ga vakadua. Na vakacegu dina ena noda kevaka eda sega tale ni da dolava na matada ena veika tale eso ka rawa ni kauta mai vei keda na lomaocaoca; me da sa sogota tu ga vakadua ena noda sa vakaraici Jisu matua ka vakabauta duadua ga na Kalou. Ena vuravura ni veilecayaki kei na nuiqawaqawa ka da sa bula tu kina edai, na noda yalodina ena soli katini ena veika taucoke ga, ena vukea sara vakalevu na vakacegu dina ni lomada. Ena macawa oqo, ena noda sa qarava na Kalou ena noda soli katini kei na i solisoli, vakatokai na "Yalayala", eda na rawata dina ga na vakacegu dina mai lomalagi.

MASU: Turaga, keimami vakacaucautaki Kemuni duadua ga baleta o Kemuni na neimami i vurevure ni vakacegu dina. Ni vukei keimami saka tiko, me keimami dau vakadinadinataka tikoga ni o Kemuni na i solisoli ni veika vinaka kecega ena neimami bula taucoke sara. Emeni.

JIUNE

VAKATEKIVU 1:29 A SA KAYA NA KALOU, RAICA, KAÚ SA SOLIA VEIKEMUDRAU NA CO KECEGA SA VAKASORENA, SA TU E DELAI VURAVURA TAUOKO

MACAWA 23

VEITAQOMAKI MAI NAI VESU KAUKAUWA KEI PAPILONI

JIUNE 4

VAKATAKILA 18:3—“NI RA SA BALE NA VEIVANUA KECEGA NI RA GUNUVA NA WAINI NI CUDRU NI NONA DAUTAGANE, A RA SA VEIBUTAKOCI KAYA NA TUI KEI VURAVURA, A RA SA VUTUNIYAU NA TAMATA DAUVEIVOLI E NA VUKU NI NONA DAUGAROGARO.”

Eda qarava na Kalou salavata kei na ka eda taukena baleta qo edua na loma ni bai e maroroi keda kina na Kalou mai vua na vu-ni-ca. Nai Vola Tabu e vakaraitaka ni o Papiloni sai koya na tui ni veivakacacani vei ira na tamata ni Kalou. O Papiloni vakaparofisai e qarava na waini dukadukali ni kena vakadewataka na vakasama ni veivakacalai, (Vosa Vakaibalebale 20:1). Dua vei ira na nona veivakacalai levu sai koya na kena vakalevutaki na rawaka vakabisinisi. Na veiqaravi oqo e cakacaka yaco tiko baleta ni bolea na bula me da vutuniyau ka rawa ka. E sega beka ni dai tabatamata kilai ena “daulomana nai lavo?” 2 Timoci 3:2). E rawa vakacava meda kua ni ciqoma vakarawarawa na nona veivakacalai o Papiloni?

Na kena vakadikevi na manumanu qo na sikureli (squirrels), e levu na lesoni eda vulica vua. E manumanu totoka ka dau ririko ni volekat koya yani na kena meca baleta ni dau saga talega me taqomaki koya. Ia ena gauna sa lailai kina na kena sa dautoso vakaveitalia ka sega ni via kauwaitaki ira na kena meca. na nona gadreva na kakana e sa dauguilecavi ira na kena meca. E vakakina na kena dauvakayacori nai tovo ni veivakacalai eda soli keda vakarawarawa ni da gadreva me da rawata nai naki ni lomada vua e dua. Ena gauna e sotavi kina na dredre ni bula vakailavo, na gaunisala ni kena gadrevi na tubu ena veivakauqeti vakalevu.

Na kena soli nai katini kei nai solisoli kei na veivuke e dau lavaki e vukei keda meda vakananuma ni Kalou sai koya na yavu ni vutuniyau (Deuteronomy 8:18). Kenai kuri, na kena garovi nai yau vakavuravura e vakamalumalutaka na marau sa tu oti tu vei keda mai na noda solia na veika eda sa ciqoma. E vola ko Ellen White, "Na bula ni guilecavi koya vakataki koya ena veigauna e nonai wali na Kalou ena kena valuti nai valavala ca ni nanumi koya vakataki koya kei na bula ni kocokoco." (*Testimonies to the Church*, vol. 3, p. 548)

E da kacivi meda lako tani mai Papiloni. Qo e wili kina na noda biuta laivi na kaukauwa kei Papiloni ena yavu ni bula vakailavo. Ena rawa ni veivakabulai kevaka eda biuta laivi na veika oqo, ka tatakube vua na Kalou o koya e solia tiko mai vei keda? Ena macawa oqo, na nodai Katini kei nai solisoli sa vakatokai na Yalayala, me da tucake ka me biu laivi kina na gagadre kei Papiloni.

MASU: Turaga, keimami sotava tiko e levu na veitemaki vakalomatarotaro kina na yavu ni neimami vakabauta. Keimami vakavinavinakataki Kemuni ni nomuni gaunisala ga ena veimaroroi vei keimami.

MACAWA 24

QARAUNA NA KENA VAKATANITAKI NAI NUINUI

JIUNE 11

1 TIMOCI 6:17—"VAKAROTA VEI IRA ERA SA VUTUNIYAU E NA GAUNA OQO, ME RA KAKUA NI DOKADOKAI IRA SE VAKARARAVI E NAI YAU SA SEG A NI TU DEI, VUA GA NA KALOU BULA, O KOYA SA SOLIA VAKALEVU VEI KEDA NA KA KECEGA EDA MARAU KINA"

E da qarava na Kalou salavata kei na ka eda taukena baleta ni maroroi keda mai na kena vakatanitaki nai nuinui. Nida tamata, eda dau vakabauta edua na ka se tamata e levu cake mai vei keda. Eda dau sega ni vakatulewataka vakavinaka na veiyavu ni bula ena saqata ni vanua eda tiko kina. Ni yali nai nuinui, na noda bula ena vakasinaiti tu ena nuiqawaqawa kei na lomaocaoca. E dua nai tuvaki ni bula tudei vei keda sai koya na noda vakararavi kinai yau e tu rawa tu vei keda. Qo na ka e laurai ka wiliki, ka liutaki keda me da nanuma nira sa veivakadeitaki. Ia ena vukui Paula, na vanua ni veimaroroi sai koya na noda nuitaki koya na YAVU ni vutuniyau mai nai yau.

Ko Marika, ena ceva kei Jaina, e bolei vakalevu ena dua na kaci ni veisorovaki ka solia e 30% ni nonai lavo mei solisoli. Sega ni tadrai, nia qai sotava e dua na dredre ni bula vakailavo ni oti na soli koya. Sa davo na nona bisinisi ka qai kuria e dua na dinau levu. Ena gauna vata oya, sa rogoca kina e dau nai tukutuku ni veibolei me baleta na kena tara e dua na valenilotu ka tiko na kenai sau vakailavo ena \$10,000,000 nai lavo ni Jaina. E vakila o Marika ni oqo e dua na gaunisala ena tosoi kina na cakacaka ni Kalou ena nona yasana ka tiko kina e lewe 60 na milioni na tamata.

Ena nona veivakauqetni na Yalo Tabu e a cakava edua na soli ni veisorovaki ka rauta ni \$400,000 ka sega ni kila na vanua e lako mai kina. Qai dua na ka veivakurabuitaki e yaco. E dua na nonai tokani vakacacakaka ena kabani makawa sa sureti koya me mai cakacaka tale vata kei koya. E ciqoma na veisureti oqo ka soli vua na veiliutaki ni kabani oqo ena dua ga na gauna lekaleka. E mai vakacavara kina o Marika na nona veivuke me baleta na tara ni valenilotu me rauta ni \$1,000,000. Ni vakananuma na veika e lako curuma mai, qai toqa kina na vosa oqo, "Na loloma levu ni Kalou e vaka na drodro tu ni uciwai ka sega ni cava rawa."

Ko Marika e vakatovotovotaka me vakadinata ka vakabauta na Kalou ena veivurevure ni nonai yau ena kena qaravi o Koya ka vutuniyau tu ena ka kecega. Ena macawa oqo, eda qarava na Kalou ena nodai Katini kei nai solisoli vakatokai na Yalayala, e vukei keda meda wasea na vanua e tiko kina na nodai nuinui.

MASU: Turaga, keimami laveti kemuni ni sai kemuni na vuni nuinui vei keimami na luvermuni. Taqomaki keimami ena veisiga mai na veivakacalai ni kena vakatanitaki nai nuinui.

MACAWA 25

NA VEIVAKABULAI E SEG A NI KA NI VAKANANANU

JIUNE 18

1 PITA 1:20—"O KOYA SA LESI ELIU SA QAI TAUYAVUTAKI EMURI KO VURAVURA, A SA QAI VAKARAITAKI E NA GAUNA EMURI OQO E NA VUKUMUDOU."

E da soli vakagumata ka vakawasoma baleta ni Kalou e solia e dua nai vakaraitaki ni nona soli koya me mai tamata e sega ni ka ni vakanananu. Nai tuvatuva ni nona solia na Luvena me mai vakabula na kawatamata mai nai valavala ca e vakamatatataki ni se bera ni tauyavutaki na

vuravura ena kena gauna donu. Jisu e lako mai ena noda vuravura. E vakaraitaka vakamatata na nona kauwaitaka na Kalou dauloloma oqo na vuravura bale. Ni da dolea lesu ei vakatakarakara ni ka sa mai cakava rawa na Kalou Dausolika oqo. Paula nai apositolo e solia ka vakamasuti ira na lewe ni lotu mai Korinica, "E nai matai ni siga ni wiki, mo dou dui tugana nai yau eso me tu, me vaka sa vakalougatataki kina ko koya, me kakua kina ni caka na soli ni kau sa lako yani." Nai solisoli e tuvai vakamatau e na vakalougatataki kina o koya e solia.

Vakasamataka na nomu ciqoma e dua nai tukutuku ni vakanuinui vinaka ni nomu siga ni sucu mai vua e dua na nomui tokani voleka. So na gauna nai tukutuku ni vakanuinui vinaka oya o ciqoma ena mona livaliva se nai volamata ka sauma lesu ena marau na nodrai veivosa ni vakanuinui vinaka. Na veivosa vakaoqo e wili ka dau tara na lomada. Ni da vinakata me da vakavinavinakataka e dua e okati me ka lomani vei keda, eda dau makataka enai vola ni vula ka da sega ni vinakata me da calata na veigauna koula vakaoqo. Nai yaloyalo ni loloma dina e vakayavutaki e na nodai tuvatuva.

Na mataqali soli ka vakacava ena gauna eda vakaraitaka kina na noda loloma kei na vakavinavinaka vua na Kalou? E vakayavutaki beka mai na gagadre ni lomada? O keda beka e dua e da dau tarova na tuirara me da kelia vakatitobu mai na noda taga? Eda vakasamataka beka meda solia na nodai Katini kei nai solisoli baleta na levu ni lavo e tu ena baqe enai cavacava ni dua na vula? Eda rokova vakacava na Kalou o koya e sega ni ka ni vakanananu na nona lomani keda? Ena macawa oqo, eda qarava na Kalou ena nodai Katini kei nai solisoli na Yalayala, meda vakaraitaka vua na Kalou nio koya nai matai kei nai lutua ni ka kecega.

MASU: Turaga, nai tuvatuva ni nomuni veivakabulai e tukunikataka vei keimami na nomuni loloma levu kei na neimami bibi vei kemuni. Vukei keimami me keimami dau kauwaitaki kemuni kei ira na tani.

MACAWA 26

NA VANUA DUADUA NI VEIMAROROI

JIUNE 25

MACIU 6:20-21—"IA MO DOU KUMUNA VATA NA NOMUDOU I YAU MAI LOMALAGI, SA SEGA NI VAKACACANA KINA NA SARASARA SE NA VEVEKA, A SA SEGA NI RAVABASUKA KINA NA DAUBUTAKO ME BUTAKOCA."

E da qarava na Kalou kei na ka eda taukena baleta oqo e vanua duadua ni veimaroroi. Nai Vola Tabu e dusi kinai otioti, "ena waicala talega na veivu ni ka ni sa vakamai, ena kamayavu talega ko vuravura kei na ka kecega sa tu kina." (2 PITA 3:10). Na ka eda taukena ena sega na kenai vakarau. Ena gauna oqo ena dua na tauvimate levu ena vakila na kawa tamata. Ko Pita e sureti ira tiko na dauwilika na nonai vola mera kakua ni tara vakamamada na veiveisau e yaco. A cava nai valavala sa kilikili kei kemudou?, e nai valavala savasava kei na daulotu. Eda rawa ni vulica eso na ka me vuksi keda mai noda semati keda kina ka ni bula oqo.

Ena gauna ni leqa, nai sau ni yaya e tubu totolo ka vakaruataki ni bera na 24 na aua. Ena so na vanua, e ra lako kina sitoa ni volivoli kara kauta nai lavo vata na basikete e uludra. O ira na tamata cudrucudru ka lomaocaoca era laini tu vakaaua ena mata ni baqe me ra kauta mai na kedrai sau me ra mai rogoca walega ni "sega ni ciqomi." Kenai cavacava ni wiliwili ni tamata kei ira na dauni bisinisi ena vakayali walega na nodra vakabauta mai na kaukauwa ni lavo ni noda vanua. E vuqa e ra saga me veisautaka na nodrai lavo vei koya nai lavo kaukauwa sara me rawa ni vakabulai ira ena nodrai tuvatuva. So era vakamalumalumutaka na nodrai lavo me rawa nira ciqoma kina e levu na veilavo vovou. Na veiveisau ni lavo e sa mai yavu ni tuvatuva. Ena tikina oqo e biligi keda ena nona vakamamasu o Jisu: "ia mo dou kumuna vata na nomudou i yau mai lomalagi" MACIU 6:21.

E rawa vakacava ni dua e gugumatua ena kena vakayacori na veisau? E sega ni yaga mo lako kina makete: "me ra caka vinaka, me ra yutu ni cakacaka e yaga, me ra lomasoli, me ra via veivuke" qo na gaunisala e vakaraitaka o Paula ena 1 TIMOCI 6:18. Ena macawa oqo, eda qarava na Kalou ena nodai Katini kei nai solisoli vakatokai na Yalayala, ena kena vakayagataki na nodai vurevure ni yau me gaunisala ni nodra vakalougatataki na tani.

MASU

Turaga, sa dua na ka na nomuni vakanananutaka tu ena kena kauwaitaki na neimami bula ni kua kei na neimami veimataka. Vinaka vakalevu na nomuni vakasala. Vukei keimami me keimami cakava na nomuni vakaro. EMENI.

JIULAI

VAKATEKIVU 1:21 A SA BULIA NA
IKA LELEVU KA REREVAKI KO
JIOVA.

MACAWA 27

NA TURAGA ME NA LESU
VAKUSARAWA MAI

JIULAI 2

MACIU 24:14—"IA E NA VUNAUTAKI MADA E VURAVURA TAUCOKO NAI TUKUTUKU VINAKA OQO KEI NA MATANITU, MEI VAKADINADINA KINA VEIVANUA KECEGA; SA NA QAI YACO E MURI NAI VAKATAOTIOTI"

E da qarava na Kalou e na I solisoli kei na I katini ka vakarautaki tiko kina na noda bula ni da waraka tiko na siga talei e da na veirai votu kina kei na Gone Turaga o Jisu. Na vosa ni Kalou e vakaveiwekanitaka na kena vunautaki na I tukutuku vinaka e vuravura taucoko kei na lesu vakarua mai. (Maciu 24:14) E gadreva na Kalou me vakavotukanataki na nona gagadre o ya me taumada na veivutuni ni se bera ni yaco na nona rairai mai. (2 Pita 3 :9) Ia sa dodonu kina me da vakaitavitaki keda e na kena tutaki ka tokoni na cakacaka bibi oqo, o ya me roboti vuravura vakatotolo nai tukutuku vinaka. O Pita e vakaraitaka ni dodonu me da sa nanamaki tiko e na noda wawa tiko. Me vukea na nona lesu totolo mai na noda I Vakabula. E vakamatatataka na vakasama oqo, na Vada e na nona I vola (Desire of Ages,pg 633, 634) ka kaya vakaoqo ne " Ni sa vunautaki na Kospeli ki vuravura, e sa soli vei keda na kaukauwa, me da vakatotolata na nona lesu mai. E kena I balebale ni sega walega ni da nanamaki tiko e na lesu vakarua mai, sa tiko na noda I tavi vakatamata yadua me da vakusakusataka na nona rairai mai.

E kena I vakaraitaki ni nona lesu vakatotolo mai na Turaga e na sega ni dodonu me vakatautaki tiko e na I bibi ni usana e da colata tiko. Me vakatautauvatataki kei na manumanu e vakaiusa ka sagai tiko me vakasisimi vakatotolo mai na ulunivanua uca cevata ki na dua na buca. E na yaco vakaidina e na buca ia e na sega ni totolo sara me vaka e a namaki kina. Ia e tu e so tale na sala me vakatotolataki kina na vakasisi e ra dau kena mesamesa kina na gone ni vanua uca cevata, o ya me ra vakawaiwaitaka na tiki ni kau e vakayagataki, se me ra tara vakamatau na kedra bi, se e ra tautauri matua ka roso sobu me kakua ni biligi ira na cagi kaukauwa. Ia e kena i balebale ni ra na yaco talega e na buca ia e duidui ga na kena I vakarau. E totolo ka marautaki me vaka e ra a nanamaki kina. Vei keda na veiwekani, e na sala vata o ya, na noda I Vakabula e na rairai tale mai, ia e na lesu vakatotolo mai kevaka e da solia vakaoti na noda bula me dai suwai ni vakalele yalo vei Jisu. E vuqa sara na sala e da rawa ni vakayagataka me da tukuni Jisu yani kina ki vuravura taucoko.

Na wekaqu lomani, e daru na calata beka na gauna vinaka oqo, me vakatotolataki na nona yaco mai na Turaga? E na macawa oqo, ni da qarava na Kalou e na I solisoli kei na I katini, ka vakatokai tiko na Yalayala, e rawa ni da vakatakila vua na Kalou na noda gagadre ni da sa vakanuinui tiko e na nona Lesu Vakarua mai.

MASU: Turaga, na neimami Kalou vinaka, O ni gadreva me keimami voleka tikoga vei kemuni. Ni vukei keimami me keimami cakava vakakina ka gumatua vakaoti e na neimami soli ka vei Kemuni.

MACAWA 28

NAI WASEWASE NI SOLI KA E
VAGOLEI KI NA CAKACAKA NI
KAULOTU

(KA VAKARAUTAKA NA TABANA NI LAVO
ENA LOTU NI KAVITU E VURAVURA)
[WORLD MISSION BUDGET OFFERING
(SUBMITTED BY CC TREASURY)]

JIULAI 9

Na Lotu ni Kavitu Ni Lesu Vakarua Mai e kilai e vuravura taucoko e na vuku ni kaulotu vei ira e taudaku. Na nomu I solisoli kei na veisoli lavaki ni kaulotu o ni dau vakaitavi mai kina e vaka na uciwai ni bula ka ra sema mai kina na

veiuciwai e drodro mai e veiyasai vuravura, e ra kauta vata mai na wai bulabula kina noda vanua ni veiqravni. E na veigauna kece e da dau solia kina na nodai solisoli, e da vakatubu bula kina uciwai ni bula ka ra drodro yani kina vei qele mamaca, kauta yani vei ira na bula kei na I nuinui. E da sa vukena tiko na kena tubu na lotu, e sega ni noda vanua ga, e na veivanua talega e da se bera beka vakadua ni da rogoca. E da sa vukena tiko na dau kaulotu e da sebera beka vakadua ni se sotavi ira se e da veivuke tiko e na tara na veikoroniwili kei na veivalenibula e da na sega beka ni rawa ni sikova. E da sa veivuke talega e na kena teivaki na veivalenilotu e da na sega beka ni da na so kalou kina. Ia e da sa vakatubu bula e na I naki ni nona lotu na Kalou e na noda sa vakaraitaka tiko na loloma I Jisu kina vakanananu kei na yalo ni tamata e vuravura taucoko.

E da kila tiko beka ni se bera na Covid-19, na noda lotu e sa vakila vakalevu sara na kena lutu na noda I solisoli? E dua na vuna levu ni so na gauna e da dau vinakata me da soli ga e na dua na ka ni veivakatorocaketaki se e da solia ga na noda I solisoli e na so na veika e talei ka veivakauqeti vei keda. Me da raica sara toka ga ka marautaka na kena vakavotukanataki. Ia na soli ni noda kaulotu e na sega sara beka ni na rairai veisureti vei keda, se me na dau vakarautaki vakavinaka na kena porokaramu. Ia na solisoli e da sa solia kina noda vanua ni veiqravni laki vukena ka veivakadeitaki vakalevu sara e na noda lalawa ka kece ni veivakatorocaketaki se veivakabulabulataki.

Me vaka ga e na kena buwawa vei keda na kena lutu tiko e dua na mata ni wai lailai e na uciwai, e da na dau qai raica ga na kena yaga se na kena totoka ni sa vakavotukanataki. Same 104 e kaya "Sa vakatubura ko koya na mata-ni-wai e na buca, Ka sa lako voli e na maliwa ni veiulu- ni –koro. Sa vagunuvi kina na manumanu kecega ni vanua; Sa ra gunu ka ra cegu na asa kila. E ra sa tiko e na batina, na manumanu vuka, Ka ra sa tagi tiko e na taba ni kau."

E na Maciu 28, e kaya na Gone Turaga o Jisu vakataki koya, "O koya mo dou qai lako, ka vakalotutaki ira na lewe ni veivanua kecega, ka papitaotaki ira e na yaca ni Tamamudou, kei na Luvena, kei na YaloTabu; Vakavulici ira me ra vakabauta na ka kece kau a vosa kina vei kemudou: ka mo dou kila, au sa tiko vata kei kemudou e na veisiga kecega, ka yacova na I vakataotioti kei vuravura."

Kerekere, na wekaqu lomani, mo masu ka kerea na Yalo tabu me vakaraitaka vei iko na cava tale e rawa ni o cakava mo tokona ka vakadeitaka na cakacaka ni Kalou me yacova na nona lesu tale mai.

MACAWA 29

BULA GA E NA KA E SA VO

JIULAI 16

2 TUI 4:7— "A SA LAKO KO KOYA, KA TUKUNA VUA NA TAMATA NI KALOU; A SA KAYA KO KOYA, MO LAKO, MO VOLITAKA NA WAIWAI, KA SAUMA NA NOMU DINAU; DOU QAI BULA KEI RAU NA LUVE MU E NA KENA KA VO."

E da qarava na Kalou ni o Koya e vakayacora na veiyalayalati ka vakarautaka na I vakasala e veiganiti kei keda. Na noda lesoni e vakaraitaka na nona sasaga na Marama yada ni Sarifaci o ya ni oti na nona vakadinadinataka na cakacaka mana e yaco vua- ni sa tawa kece na nona tavaya waiwai, me lesu me vakavinavina vua na tamata ni Kalou. A sa kaya vua na Parofita "dou qai bula...e na kena ka vo" Na vosa oqo e dua na vosa ni yalayala me vakadeitaki koya kina na Marama yada o ya, ni sa rauta vinaka na veika e vakarautaka vua na Kalou. Me kakua ni rerevaka na nona veisiga ni mataka. E sala talega ni veivakasalataki vua me kakua ni bula e na bula ni dinau. E ratou vakila oti vakamatavuvale na mosi, na madua kei na dredre levu ni kena gadrevi me saumi na dinau. Na I otio ni nona I tatau na Parofita o Ilaisa e kaya vua me vakayagataka vakavuku na veika sa tu vua. Na Kalou e sega walega ni cakava na cakacaka mana ki vei keda, e vakavulici keda talega e na kena maroroi na nona ka ni vevakalouga tataki vei keda.

Na I vakasala " bula ga e na ka e sa vo" e yaga vakalevu vei keda e na gauna oqo. Ia e na loma ni noda vuravura, e rauta ni dua na I ka va ni tamata e ra sega ni duavata e na vakanananu oqo, ka vakabibi na I yatu vosa oqo" Ni se bera ni'u volia e dua na ka, au a dikeva rawa seu rawa ni'u volia se sega" (OECD, 2017). Na I tuvatuva vakailavo ni tamata yadua e sa yaco tiko me dua na leqa levu e na gauna ni kua, e vuqa e ra leqa sara kina vakaca. E so e ra Lotu Vakarisito sara mada ga,e ra dau yalo lailai ni ra gadrevi tu me ra vakaitavi talega e na cakacaka ni Turaga qai seva ni leqa tu na veika vakailavo. E ka ni rarawa ni sa I koya oqo na leqa dina e sa tarai vuravura e na gauna oqo. E kaya na Vada "E lewe vuqa era sega ni daunanuma na cakacaka ni Kalou ka ra vakalusia na nodra i lavo ena veimaru vakavuravura, ka ni gauna e voqa kina na kaci me da sorovaka na nodai yau ena kena tokoni na cakacaka ni Kalou ena nodai tikotiko se vanua tani, sa sega nai yau e tu vei ira me ra solia se sara vakayagataka vakatani na

nodrai lavo se i yau." (Ellen G. White, *Review & Herald*, Dec. 19, 1893).

Vei keda na veiwekani, ni da taura matua tiko na vosa ni veiyalayalati e na veisiga, me da gumatua talega e na kena maroroi vinaka na I vurevure ni noda bula. E so e ra sotava tiko na dredre, dina ga ni sa vakalougatataki ira tiko na Kalou. Na vuna levu sa I koya na nodra sega ni lewu vinaka na nodrai yau kei na solisoli. E na macawa oqo, e na noda qarava na Kalou, e na noda I katini kei na I solisoli e vakatokai na Yalayala, me da digitaka me da dauveiqaravi yalo dina e na kena maroroi nai yau kece sara ni Kalou.

MASU: Turaga Jisu, Na nomuni vosa ni yalayala e kauta mai na vakacegu kei na sautu. Keimami vakavinavinkataka talega na nomuni I vakasala baleta ni vakaraitaka na sala dodonu me keimami muria e na I otioti ni gauna oqo.

MACAWA 30

NA VEIKA VUNI ME BALETA NA DAUSOLI KA E NA YALO E MAMARAU

JIULAI 23

1 KORINICA 13:3—“IA KEVAKA KAU SA VOTA NA NOQU KA KECEGA, MEU VAKANI IRA KINA NA DRAVUDRAVUA, IA KEVAKA KAU SA SOLIA NA YAGOQU MEU VAKAMAI, KA SA SEGA VEI AU NA LOLOMA, SA SEGA NI YAGA VEI AU.”

E da sokalou vua na Kalou ena yalo e mamarau ka salavata kei na ka eda taukena ena vuku ni Nona loloma levu sa vakatakilai ena vukuda. Na I vakarau ni yaloda e na noda veiqravi, talairawarawa kei na noda lotu e rui bibi vua na Kalou. Na I vola ni Vakatakila e vakatakila e dua na kenai vakaraitaki vinaka. E na I vola ni Soqosoqo Lotu vei iratou mai Efeso, e vakaraitaka ni Kalou e sega ni dusia e dua na nodra malumalumu. E yaco me tukunikataka na nodratou caka vinaka, ia e dua ga na ka e sa yali: "...e na vuku ni ko sa biuta na nomu loloma ka tu vei iko e liu" Ni yali na loloma, na bula ni talairawarawa e sega ni dua na kena I balebale vua na Kalou. Ia, ni drodro mai na talairawarawa e na yalo dina ni loloma, O Jisu e vakarautaka vei keda e dua na vosa ni yalayala totoka: "...ka me sinai na nomudou marau" Joni 15:11

E tukuni edua nai talanoa me baleta edua na turaga ka dauqarava vakavinaka na nona matavuvale. E na veivula, ni

yaco mai na siga ni veisaumi, e dau volia na Turaga oqo na ka kece e ratou gadreva na nona lewe ni matavuvale. Ia e qai laurai ni sa tu na ka kece e na loma ni matavuvale, e qai yali tiko ga na loloma dina vakatama. E na dua na gauna, e taro cake e dua na luvena tagane. “Ta, na cava na vuna o vakayacora tiko kina na veika oqo vei keitou? E sauma o Tata ka vaka “Au vakamautaka na Tinamu, ka wili mo luequ-mo vakararavi vei au, sa noqu I tavi meu vakarautaka na ka vei iko.” Kemuni na veiwekani, e sega ni namaka na cauravou na I sau ni taro o ya. E na nona sa yalomatua cake mai sa qai vakila se cava na vuna e dau kunei Tamana me rarawa voli e na gauna e ratou kune marau kina. Na I tavi kei na veiqravi e na loma ni matavuvale e sa kauwaitaka vakalevu na Turaga o ya ka sa tabonaka na loloma e ratou gadreva dina I vale.

E da solia vakacava na noda I solisoli vua na Kalou? E vuqa na sala kei na vakanananu e rawa ni kau mai kina nai solisoli kei na I katini. Na apositolo o Paula e vunautaka na yalo e dodonu me kau mai kina rua na ka bibi oqo: “ Me ra dui solia me vaka na ka sa vinakata ko koya yadua e na yalona; me kakua e na voraki, se ni sa vakasaurarataki: ia ko koya sa solia e na marau sa vinakata na Kalou.”(2 Korinica 9:7) Na noda Kalou e vakasaqarai ira e ra solia e na marau, e da na tubu me da dau soli ka e na yalo e marautaka ni sa bula tiko e lomada na loloma ni Kalou.

Kerei me da vakanananu vakayalo e na veisiga e na I solisoli ni loloma ka me vuksi keda na Kalou meda qaravi koya e na noda I yau. E na macawa oqo, ni da qarava na Kalou e na I solisoli kei na I katini, e vakatokai na Yalayala, me yaco me da na soli keda vakaoti me vaka na loloma uasivi ni Kalou vei keda.

MASU: Turaga, keimami sa vakavinavinkataka na nomuni loloma tawa yalani vei keimami. Keimami sa masulaka na veivakadeitaki ni nomuni loloma e na veituberi vei keimami. Turaga ka keimami sa kerea me neimami talega na marau e veivakasinaiti.

MACAWA 31

TOKONA NA VEIVAKATOROCA-KETAKI LELEVU

JIULAI 30

MARIKA 6:37—“A SA VOSA KO KOYA KA KAYA VEI IRA, DOU SOLIA VEI IRA ME RA KANA”

E da qarava na Kalou e na noda I solisoli kei na ka ni

loloma me vaka na nona veisureti vei keda na Turaga me da kawaitaki ira na tani me vaka na nona kauwaitaki keda. E na dua na siga, e ra a vakaraica na lewe vuqa na nona veitosoyaki o Jisu kei iratou na nona tisaipeli. E ra raica na loloma vuabale e vakaraitaka na Turaga ni vakayagataka na siga taucoko o ya me ia kina na veivakavulici, veivakalougataki kei na veivakabulai. E ra vakila na lewe vuqa ni ra vakasinaiti vakayalo. Ni kala na siga e na siga o ya, sa lako mai vei koya ko ira na nona tisaipeli, ka kaya, mo vakatalai ira yani me ra volia na kedra madrai. (Marika 6:36) Ni sa sega na ka me ra kania kevaka e na yaco me ra viakana e na vanua lala oya. Ia, e sega sara ni kauwai o Jisu e na veika e ratou vakaraitaka, e a vosa ga ka kaya vei ira, "Dou solia vei ira me ra kana" (Marika 6:37) Na mala ni vosa e tukuna na Turaga e vakaraitaka na nona kauwai e na vuku ni nona gadreva me ra sotavi vakaidina-vakayago ka vakayalo talega. E veivakadeitaki na Vada ni sa I koya talega oqo na I naki levu ni noda lotu, "Ni da raici ira na tamata ni ra lomaocaoca, ena vuku beka ni dredre se i valavala ca, me da kakua ni tukuna, e sega ni noqui tavi meu vupei ira."—E. G. White, *Desire of Ages*, p. 504.

Na I talanoa kei Emalaini mai Madagascar e vakananumi keda ni rawa me da solia na mata dredredre vei ira na wekada dina ga ni ra sotava tu na bula leqaleqa. Ni voleka na yabaki 2015, e kune o Emalaini, e dua na marama ka veisusu duadua vei iratou na luvena ni dau mata rarawa voli ga. E kune ni dau rarawataka ni sega ni rawata vakavinaka na nodratou bula marau se vakacegu na nona matavuvale. E sega ni vakacurumi ratou rawa na gone e na dua na koronivuli ka sega talega ni ratou dau kana vakavinaka saran a gone. Toso tiko na gauna, e sa yaco o Emalaini me tomana na ADRA food security project e na I tikotiko vakataoni ko Bikily. E sotava kina e levu na vu ni veivakalougataki vei iratou vakamatavuvale. E yaco me vuli teitei ka rawata mai kina e so na I yaya ni teitei. Na veika ni veivakatorocaketaki oqo, e veivuke vakalevu sara vei Emalaini. E sa qai kune votu vua na marau kei na vakacegu. Ni sa rawata me tea na tavioka, papukeni kei na kumala. E sa yaco talega me ratou kana vinaka ka vakaisulu vinaka na gone. Ka sega ni ratou qai vakuwai tale mai e na vuli. Ni sa rawata me vakarautaka na vakacegu vei iratou na lewe ni nona vuuale. Sa dua na ka talei dina.

O gadreva beka mo muria na we ni yavai Jisu ka kauta na kena I tukutuku vinaka vei ira e ra gadreva tu na marau kei na vakacegu? Na soli ka e dua na yavu dei e vakarautaka na Turaga me vupei ka laveti kina na nodra bula e ra sotava tu na dredre. E da kauta vei ira na loloma kei na I nuinui e veivakarautaki kina vei keda na Turaga. Na macawa oqo, e

da sureti me da vadadamuria na sala ni Gone Turaga o Jisu e na noda qarava na Kalou e na noda I katini, kei na noda I solisoli ka vakatokai na Yalayala.

MASU: Turaga vinaka vakalevu na nomuni lomani keimami e na loloma tawa yalani. Vupei keimami me keimami dewadewa ni nomuni loloma vei ira na tani.

OKOSITA

VAKATEKIVU 1:20 “..IA ME VUKA VOLI NA MANUMANU E DELAI VURAVURA, E NA MALIWA NI VURAVURA KEI LOMALAGI

MACAWA 32

O CEI E RAWA NI SOLIA KECE VUA NA KALOU

OKOSITA 6

1 VEIGAUNA 29:14—"IA KO CEI KOI AU, SE KO CEI KO IRA NA NOQU TAMATA, ME RAWARAWA KINA VEI KEMAMI ME SOLI KA E NA YALO E VINAKATA VAKAOQO? NI SA TAKA MAI VEIKEMUNI NA KA KECEGA, KA SA NONUMI GA NA KA KEIMAMISA SOLIA VEI KEMUNI."

E rui ka talei e na mata ni Kalou ni da sa soli ka e na yalo e vinakata. Nai talanoa e nai Vola Tabu e vadinadinataka na nodra soli ka na Isireli e na yalo e vinakata ni vakarau me tara na Vale ni Soro. Na Tui ko Tevita e solia vakaiyauau na i yau levu e tu vua me vuakea na kena tara na Vale ni Soro. Ka vakakina ko ira nai liuliu ni vei Yavusa Isireli e ra sa dodoliga talega ena yalo e vinakata. ka sa vakadinadinataki talega ki vei ira na tamata e na (tikina 9) ni ra "sa solia vei Jiova e na yalo e vinakata". E da raica na i yaloyalo ni soli ka e na yalo e vinakata, ka seretaka ko Tevita na vuna levu ni nodra solia vakaiyauau na veika e ra taukena baleta: "ni sa taka mai vei kemuni na ka kecega, ka sa nomuni ga na ka keimami solia vei kemuni." E via vakatututaka ko Tevita ni veika e da solia e vavaraitaka ni veika lelevu sa vakarautaka tu na Kalou: Na nomu Digitaki, na nomu sa sereki, na nona tiko vata kei keda, nai Nuinui e solia vei keda kei na veika e na solia vakayauau ki vei keda. Ka sega ni dua e rawa ni rau tautauvata na veika e rawa ni solia wale na Kalou. Kevaka ke mani dua e solia kece na ka e tu vua e na yalo e

vinakata, na Kalou e tu vakarau me vaikuritaka na veika, ka dau i vurevure tu ni nona bula. O koya oqo na vakanananu ka raica tiko ko Tevita kei ira nai liuliu ni vei Yavusa Isireli.

Ko Eparaama talega e dua vei ira e na nodra dau vadabera donu nodra rai me baleta na Soli ka vua na Kalou. E a taukena ko koya e dua na udolu na bulumakau, na me kei ma sipi. E vakairaitaka tiko ko Eparaama ni Kalou o koya nai vurevure ni kalougata, ka sa digitaka ko koya me dau yalodina vua na Kalou. E dau kauti ira kece mai na qele ni nona manumanu me ra curu e na bai, ka sa dau maroroya tani na i katini ni nona manumanu vakatabakidua vua na Kalou. E ra qoroqoro ko ira na no nonai tokani kei ira na wekana voleka e na veika e cakava. Ia me vaka ni nodra I tovo, na tiko vinaka ni dua na tamata e kunei e na levu ni manumanu e taukena, ka sega ni dodonu me solia wale tu na veika e taukena. E ra rurulaki koya, ka ra nanuma ni sa tamata lialia. Ia ni cava ga e ciwa na vula e ra sa qai sarava na veivakuraibuitaka ni nodra sucu na bulumakau ka sa drua tu mai na dui luvedra, ka sa vaikuritaki talega na sipi kei na me e na gauna ni nodra vakasucu.

E vola ko Moses e na Tiko voli mai na Lekutu wase 23 tikina e 19, "Sa kaya li ko koya ka sa sega ni cakava? Se vosa li ko koya, ka sa sega ni vakayacora?" Ena macawa oqo ni da mai sokalou, salavata mai na nodai katini kei nai solisoli e vakatokai na Yalayala, me da railesuva na dina ni veivosa oqo ena noda bula.

MASU: Turaga, na nomuni yalo vinaka ki vei keimami e sega ni vakaiyalayala, ka se vakadidi-nadinataki ena veitabagauna kei na veitabat-amata kecega me yacovi keimami nikua. Ni vuksi keimami me keimami Turaga kei na Marama yalovinaka me vaka taki kemuni.

MACAWA 33

NA MAROROI NI VEIKA KO TAUKENA OKOSITA 13

JONI 6:12—"IA NI RA S MAMAU, SA KAYA KO KOYA VEI IRA NA NONA TISAIPELI, KUMUNA VATA NA TIKINA SA LALAI SA VO, ME KAKUA NI YALI E DUA NA KA."

E da rawa ni qarava vinaka na veika e da taukena kevaka e da muria vinaka nai vakasala ka solia na Kalou me baleta na noda rawa ka kei na gaunisala ni kena maroroi vakamatau. E na veitabagauna, na Kalou sa dau veivakavu-

lici vei ira na Isireli e na gaunisala ni kena dau maroroi na nodra i yau bula. Na Kalou e vakayagataki

Josefa na luvei Jekope me vakasalataki Fero me maroroya e ruasagavulu na pasede ni veika e tea ka kakua kece ni kania e na loma ni vitu na yabaki. E vaka talega kina na bogi ka ra marautaka kina na Isireli na kana vata ni lako sivia, ni bera ni ra biuti Ijipita, e sa solia mai kina na i matai ni nonai vakasala na Kalou me ra dui digitaka na lami o koya e rawa ni rauti ira kece vakamatavuvale e na bogi oya. Ka tautauvata na kena wase na madrai kei na ika, ni sa vakaraitaki vakamatata "me kakua ni yali e dua na ka." "Ai yau talei kei na waiwai sa tiko e na nona vale na vuku; Ia na tamata lialia sa tiloma sara."(Vosa Vakaibalebale 21:20)

E sa vaka tale ga kina na gauna nikua ni sa i tukutuku e da sa dau vakananumi vakawasoma kina na noda maroroya na veika e da taukena. Sa levu sara na veitovo vovou sa basika cake mai e na gauna nikua, ka sa laki vakavuna me sa sega ni noda i tovo ni bula na maroroi i lavo. E da sa dau vakayagataka na noda i yau na veika e gadreva ga na lomada ka sa sega ni da kauwai e na veika e da gadreva e na veisiga. E vakasucuma mai na bula ni tamata me dau dinau e na veika e da rawata. Ka taro levu ga me da taroga, sai koya beka oqo na dauniveiqaravi yalodina?

Na noda dau maroroya na noda i yau, e na vuksi iko e na gauna ni leqa tubukoso, tuvani vakamatau ni nomu tata-dra, maroroya vakamatau me vuksi iko e na gauna o cegu kina e na nomu cakacaka, ka vakauasivi me na vuksi ira na nomu kawa me rawa ni ra vulica na bula ni maroroi yau bula me rawa ni valuta na bula dravudravua. Ka vakauasivi, ni da kauwai vakalevu e na kena tokoni na cakacaka ni Kalou. E da raica e nai talanoa nei Jisu kei iratou na nonai lawalawa ni a tokoni ira voli o ira na marama ka ra solia na nodrai yau. (Luke 8:3). O ira na lotu taumada e ra vakaiyau e na nodra qele kei na nodra vale. E ra volitaka na nodra vale me rawa ni tokoni na kena tekivutaki na cakacaka ni veivakatisaipelitaki. (Acts 4:34-35). E vakaraitaka talega o Ellen White me da vakayagataka vakamatau na veika e da taukena: "Me ra yadua na kisi lalai me ra biuta kina nai lavo lalai e ra rawata ka me ra kakua ni nanumi ira ga vakataki ira." Ellen G. White, *Counsel on Stewards*, 291.

Sega ni gauna oqo me da dikevi keda kina ka da raica se cava e da rawa ni cakava me da botana kina na leqa vakailavo e da leqa tu kina? Me yaco na macawa oqo me dua tale na gauna ni noda sokalou ena kena kau mai Vua na Kalou na nodai katini kei nai solisoli ka vakatokai na Yalayala.

MASU: Turaga o ni sa vakaraitaka mai vei kemami na bula marau kei na talei ni veiwekani vata kei kemuni. Keimami kerea mo ni solia mai vei keimami na vuku me rawa ni keimami kila na gaunisala ni kena maroroi vakamatau nai yau bula.

MACAWA 34

VOSATAKA ME ROGOLEVU NAI SOLISOLI!

OKOSITA 20

LAKO YANI 29:1—"IA OQO NA KA MO CAKAVA VEI IRATOU ME VAKATABUI IRATOU, ME RA BETE VEI AU: MO KAUTA E DUA NA PULUMOKAU TAGANE SA GONE, KA RUA NA SIPI TAGANE SA SEGA NA KENA CA."

E da qaravi koya na Kalou e na noda i solisoli baleta qo edua nai vunau ka sega ni vakamacalataki rawa. Ni cava na kena tara na vale ni soro mai na nodra soli ka na tamata mai na vuni lomadra, ka sa vakatikitiki taki talega ko Eroni kei iratou na luvena e na vuku ni veiqraravi vakabete. E na Lako Yani wase 29 e talanoataki kina na i matai ni vuvale vakabete e Isireli ka ratou tabaki e na vuku ni veiqraravi e na loma ni vale ni soro. E da wilika e na loma ni wase ni vola ni sega mada ga ni vunau ko Moses e na siga ni veitabaki se me solia e dua nai tukutuku ni veibolei e na vuku ni veiqraravi. Ia e dua na ka e cecere kina na veiqraravi oqo, ni vakaraitaki kina nai soro me cabori kei na kena i walewale kece ni veiqraravi me vaka taka na; soro ni valavala ca, na i soro kama kei na soro yalovaki. Na cava sara mada nai tukutuku e tiko kina?

Nai soro ni valavala ca sai koya na kena mai buluti na nomu ca. E ratou vakananumi tiko na bete na bibi ni kena gadrevi na loloma ni Kalou kei na nona veivakasavasavataki me rawa ni tauoko tiko kina na veiqraravi. Nai soro kama me vakamai vakadua e na cabocabo ni soro. E dusimaka vei keda na kena gadrevi me soli vakaoti na bula e na vuku ni veiqraravi. Ka vakakina na kena qaravi nai soro yalovaki, na kena yalovaki cake kei na kena yalovaki sobu ka ra vakanamata tiko ki lomalagi. E vakatakarakarataka na nodra solia na nodra bula ko ira na bete e na vuku ni veiqraravi kei na nona veivarautaki na Kalou vei ira era sorovaka na nodra bula ena vuku ni Nona cakacaka. Ni sa qaravi otu na veiqraravi oqo eratou sa qai raica na bibi ni veikacivi ni Kalou ki na nodratou bula vakavuvale.

E dau tu beka e so noda loma tarotaro e na vuku ni noda i solisoli ka da wasea vua na Kalou? Kevaka e dua nai soqosoqo lotu e sa rawa ka vakavinaka tiko e na kena tokoni na cakacaka ni Kalou, e dodonu beka me tokona tikoga na kena soqoni nai solisoli me i vakarau tikoga ni veiqraravi e na gauna ni sokalou? Nai solisoli e uasivi cake sara mai nai yau bula e da maroroya tu e na noda veimatanitu. Nai solisoli o koya e dua na i vunau vakataki koya ka sega ni rawa ni da vakamacalataki rawa. E vakaraitaki e na cakacaka ni noda veiqraravi ka vakadewataki e na lesoni levu ni kena tarai cake na noda bula vakayalo. Ka dua tale na vakaraitaki, ni vakananumi keda nai solisoli uasivi ni Kalou e noda vakabulai na kawa tamata, na nona veivakalougatataki e na veisiga, kei na noda vakaraitaka na noda solia vakaoti noda bula e na vuku ni veiqraravi. E na sega ni rogorogo vinaka ni da sega ni vatudaliga ki na domo ni Kalou e na nona gagadre me da tukuna vakadoudou na noda dau solia na noda i solisoli. E na macawa oqo, e da kacivi tiko e na i Yalayala, ka da sa duavata e na noda solia noda katini kei na noda i solisoli, ka me da vakatara me da rogoca na Nona kaci na Kalou vei keda.

MASU

Turaga, keimami vakavinavinaka e na veigaunisala duidui o ni vosa mai kina vei keimami na luvemuni. Ni keimami sa kauta mai na neimami katini kei na noda i solisoli nikua, keimami kerea na nomuni veivuke e na neimami tuberi cake vakayalo e na i tukutuku oqo.

MACAWA 35

E SA GAUNA NI VEIVAKABULABULATAKI VAKAYALO

OKOSITA 27

2 VEIGAUNA 29:3—"SA DOLAVA KO KOYA NA KATUBA NI VALE I JIOVA, KA VAKAVINAVINAKATAKA, E NAI MATAI NI YABAKI NI NONA LEWA, E NAI MATAI NI VULA."

E da qarava na Kalou e na veika e da rawa ka kina, baleta e da bula donumaka tiko na gauna ni veivakabulabulataki. E vola o Ellen G. White, "Na veivakabulabulataki ni sokalou dina vei keda e cakacaka uasivi ka cakacaka e gadrevi vakatotolo e na noda bula." True Revival p.9. Na noda

veivakabulabulataki vakayalo e dua na veisureti ka dodonu me da vakanadakuya kina na veikalou e da dau qarava ka da vakanamata ga vua na Kalou o koya ei vurevure ni noda bula. Nai vola ni karua ni Veigauna wase 29 ki na 31, e vakamacalataki kina nai tukutuku ni veivabulabulataki e na gauna ni nona veiliutaki na Tui ko Esekaia; e na nona vakavinakataka tale na vale ni soro. E ya mani vakasukai tale kina na veiqravi kece ni sokalou e na loma ni vale ni soro. E ra sa vakatekivu me ra marautaka tale na kana vata ni lako sivia. O ira na Livai e ra sa vakaitavitaki ira tale e na loma ni vale ni soro. E dua na veivakabulabulataki levu dina, ni ra solia kece mai na vuni lomadra dina e na nodra vinakata me tarai cake tale na veiqravi ni sokalou dina vua na Kalou.

E ra sa saumaki na tamata e na kaci ni vevakabulabulataki ka sala vata tu na nodra i drekedreke ka ra dreketa voli mai: "Sa qai vosa ko Esekaia, ka kaya, Ni dou sa qai vakatabui kemudou oti me nei Jiova, dou qai toro voleka mai ka kauta mai eso nai soro, ka so nai madrali ni vakavinavinaka, ki na vale i Jiova. Era sa qai kauta mai nai soro ko ira nai soqosoqo, ka so nai madrali ni vakavinavinaka; kei nai soro kama ko ira sa lomadra kina." (2 Veigauna 29:31). Na veivakabulabulataki vakayalo e vakaraitaka ni ko koya e Kalou ka Turaga talega. Ka kena vakaraitaki ni da qaravi koya e na noda i yau.

Nai talanoa kei Sakiusa e na Veiyalayalati Vou e vakaraitaki ni nona soli ka, ka sa i vakadinadina ni yalo dina ni veivakabulabulataki. Ni bera ni sureti Jisu me mai nona vulagi e na bogi koya, e tukuni e na kenai talanoa mai Jeriko, ni ko Sakiusa e dua na tamata kocokoco. E sa rawarawa vua me dau liumuritaka na nona vanua, tawasei koya mai vei ira na nona i tokani, guilecava na nona vakabauta, ka sa solia tu na nona bula e na cakacaka duka oqo. Ia, ni gauna e takoso kina na bula ki na nona vale e sa gadreva sara ga e lomana me wasea vakayauyau na veika e taukena: "au sa wasearuataka na noqui yau ka me'u solia e dua na kena i wase vei ira na dravudravua: ia kevaka ka'u sa kovea ena nona ka e dua na tamata ni'u sabeitaki vakailasu, ena va na kenai sau kau na solia." (Luke 19:8). E sai koya o ya nai sau ni nona loloma ko Sakiusa ni sa vakila na loloma e sa ciqoma mai vei Jisu. E da rawa ni solia ia e yali tu kina na loloma. Ia e da sega ni rawa ni vakaraitaka na loloma ni da sega ni wasea.

Na kaci ni veivakabulabulataki vakayalo me sa kacivaki vakadomoilevu e na noda veivalenilotu. E na macawa oqo ni da vakarau solia na noda katini kei na solisoli, ka vakatokai tiko me Yalayala, e da rawa ni vakaraitaka ni

tukutuku ni veivakabulabulataki me sa teivaki sara ga ki lomada?

MASU

Turaga, ni vukei au meu sauma na kaci ni veivakabulabulataki e na masu, laga sere, soli ka kei na noqu solia vakaoti noqu bula vei kemuni.

SEVITEBA

VAKATEKIVU 1:24 A SA KAYA NA KALOU, ME VAKATUBURA NA KA BULA NA QELE ENA KEDRA MATAQALI.

MACAWA 36

VAKAYAVUTAKI E NA VAKARARAVI

SEVITEBA 3

MALAKAI 3:10— "...KA VAKATOVOLEI AU MADA KINA, SA KAYA KO JIOVA NI LEWE VUQA, SE'U NA DOLAVA, SE SEGAI, NA KATUBA NI LOMALAGI, KA SOVARAKA VEI KEMUDOU NA KA NI VEIVAKALOUGATATAKI, ME NA SAUTU DINA SARA."

E da sokalou salavata kei na ka eda taukena baleta qo na i vakaraitaki ni noda vakararavi dina vua. E na nona i vakasala me baleta na i votavota taukeni e na Vunau ni Soro 25:3, 4 e dua nai vakaraitaki vinaka ni nona veisureti tiko na Kalou vei ira na luvena me ra vakararavi ka vakadinati Koya. "E ono na yabaki ko na kaburaka kina na sila e na nomu veiwere, ka ono na yabaki ko na samaka kina na nomu veivaini, ka kumuna na vuana: 4 ia na kenai kavitu ni yabaki me sa gauna ni vakaceceu me vakacegu kina na vanua, a vakaceceu vei Jiova: mo kakua ni kaburaka na sila e na nomu veiwere, se samaka na nomu veivaini." Ni kua e na nodra veivakararamataki na Tabana ni Teitei e da sa qai kila ni tubu e yaco e na gauna e soli kina vua na qele me vakacegu. Ia e na gauna koya, ena nodra sa ciqoma na Isireli na nona sa solia na Kalou nai vakasala matalia oqo, e ra lomatarotrotaka se na cava e ra na kania ena i kavitu ni yabaki ni sega kina na teitei se na tatamusuki. Oqo e veisureti ni vakararavi. Veivakurabuitaki,

ni sega ni dua e talanoataki ni a mate e na viakana e na kena maroroi na nona i vakasala na Kalou. Na nona i vakaro na Kalou e tokona na nona Vosa ni Yalayala, "Ia dou cakava na noqu i vakaro, ka vakabauta na noqu lewa, ka muria; dou na qai tiko sautu e na vanua."

Ena dua na soqoni, e rau a laki sikova e dua na matavuvale sega soti sara ni rawa ka vakavinaka o Talatala kei na nona i Talatala ni Soqosoqo Lotu. E rau a ciqomi ka kidavaki e na marau ka dua na gauna talei dina ni nodratou veitauraki vakavuvale. Ni toso tiko na veikilai, e a mani dolava sara o Talatala nai Vola Tabu ka wilika na Malakai 3:9, 10 ka vakayaloqaqataki ira kina na lewe ni matavuvale me ra yalodina e na soli ka. Ni rau sa lesu tale mai e na veisiko, sa mai wasea sara toka o Talatala ni Soqosoqo Lotu na nona rarawa vei Talatala ni sega ni marautaka na tikina e wasea vei iratou na lewe ni vuuale. E vuna, ni vuuale oqo e ra se sasaga tu mada ga e na bula vakailavo. E sauma lesu yani vakamalua o Talatala ka kaya, "Au sega ni vinakata me ra calata na nona veivakalougatataki na Kalou."

Sa bau dua mada na gauna o lako curuma ka vakila kina ni sa sega ni qai vakaibalebale vei iko na Vosa ni Kalou? Nanuma na qaqa ni sere oqo, "talairawarawa ka vakadinata, ni sa sega tale ni dua na sala me da marau kina vei Jisu."

MASU: Turaga, keimami vakavinavinakataki Kemuni e na nomuni dau solia vei keimami na veimacawa vou me vakaqaqacotaki kina na neimami vakadeitaki vei Kemuni. Vakalevutaka na neimami vakabauta, vinaka vakalevu na nomuni vakavotukanataka na nomuni Vosa ni Yalayala. Emeni.

MACAWA 37

VEIBOLEI VAKATABAKIDUA KI NA KENA VAKAILAVOTAKI NA KAU LOTU E VURAVURA

SEVITEBA 10

VAKAMAMASU: Kevaka e soli vei iko e dua na gauna mo vakayacora kina e dua na veisau levu ka veivakidacalataki ki na nona bula e dua, e na rawa beka nio na vakayacora se o na vatatara me lako siviti iko? Na veigauna matalia vakaoqo e sega ni dau yaco tu ga e na veisiga, ia e gadrevi kina na nona kauwai na Lotu e na gauna e yaco kina. Na nomu solia na i solisoli ni gauna matalia vakaoqo, o sa veivuke e na nomu dodoliga e na

kena vukei na Lotu e Vuravura me na rawa ni kauwai yani e na kena sotavi na vei gagadre e tu e na gauna e vinakati kina.

Me da taura matua na gauna vakaoqo. Me vakatotolotaki na cakacaka ni kospipeli ena noda solia e na yaloda vinaka. Kerekere, makataka na nomu waqanivola ni katini, "Unusual Opportunities Fund." E na nomu veitokoni sa na rawa vua na Lotu me na vakaitavi yani e na veiyalava ni veiqaravi vovou ka na vakatubura cake tiko na revurevu ni kena vakarabailevutaki na nona cakacaka e vuravura.

Download posters and graphics for social media from AdventistMission.org/offering.

MASU

Turaga, keimami kila ni o kemuni o ni lomani ira era dau soli ka main a vu ni lomadra. Kerekere vukei keimami, keimami masu, me keimami vakaio vakatotolo ena nomuni kaci me keimami dau soli ka me tosoi kina na nomuni cakacaka.

MACAWA 38

NA NONAI TOVO NA DAUNISOLIKA VAKALECALECA SEVITEBA 17

ROMA 8:5—"IA NA KALOU SA VAKATAKILA NA NONA LOLOMA VEI KEDA, NI SA MATE NA KARISITO ME NODAI SOSOMI NI DA SA TAMATA CA."

E da sokalou vua na Kalou salavata kei na ka eda taukena baleta ni da muria tiko na nona i vakarau na Kalou, o Koya na Daunisolika Vakalecaleca. Ni gauna e solia kina na Kalou e sega ni vagolea na nona rai me baleta na nona i tovo o koya e ciqoma se na kena i sau. E solia e na dela ni loloma. Na yalodina e ra semati ira ...ni sa vakacabea ko koya na nona mata-ni-siga vei ira na tamata ca kei ira na tamata vinaka, a sa vakatauca mai na uca vei ira na tamata yalododonu, kei ira na tamata tawa yalododonu." Maciu 5:45. Na kena veibasai, e da biligi me da solia vakalailai mai na ka eda raica, se na kenai sau me da lewa. Na kena i cavacava e da sa vagalalataki keda mai na noda solia nai katini kei nai solisoli. E so e ra vinakata me ra tokona ga na lotu ka kovuta ga na vanua e ra tiko kina, ka sega ni Lotu e vuravura tauoko. Qo e sega ni nona i tovo na Dausolika vakalecaleca.

Eda rawa ni raica na ka ena yaco vua e dua na tamata ni sa vakadadamuria na Nonai tovo na Dausolika vakalecaleca. O sa bau rogoa beka me baleta "Na Yalewa Qaqā ni Nuinui" "Amazon of Hope" na waqa ni lotu? E levu vei keda e ra sega tu ni kila, ia e so ga e ra sa bau sikova na waqa ni lotu oqo. Meu vakalekalekataka, nai tuvatuva oqo, e vakayavutaki mai na dua nai tuvatuva sega ni raici se tuvai vakamatau. E na 2016, na luve ni Kalou mai na veiyasai vuravura e ra solia e dua na i votavota e na kena tokoni na soli ni veisorovaki e nai katini ka tolu ni Siga Tabu, ka vakailavotaki kina na waqa ni lotu qo, "Na Yalewa Qaqā ni Nuinui" mai Barasila (Brazil). Na vua ni veiqrarvi oqo e sa rui veibolei dina. Ena i matai ni 12 na vula ni kena sa vakayagataki na waqa ni lotu oqo, e 286 na tamata e ra papitaiso, ka teivaki talega kina e tolu na i Soqosoqo Lotu e na 2017. Oqo na nona tukuni yalo o Talatala Reno, o koya ka veiqrarvi tiko e na "Yalewa Qaqā ni Nuinui". Na waqa ni lotu oqo sa nona gaunisala na Kalou me vakabulai ira kina na tamata ka ra guilecavi tu e na ka vakapolitiki, vakailavo kei na tabana ni tiko bulabula.

Na Kalou e noda i vakarau, ka vakaitavi tiko e na kau lotu e vuravura vei ira e da rawa ni raica kei ira talega e da sega ni raica, o ira e da kila kei ira talega e da sega ni kila. E na macawa oqo ni da mai So-Kalou e na noda i katini kei nai solisoli ka vakatokai na Yalayala, e tiko talega e dua na gaunisala me da matanataka kina na nonai tuvaki ni rai ni Kalou me baleti vuravura.

MASU: Turaga, keimami sa bolei e nai vakarau ni nomuni yalovinaka me vaka na Dausolika vakalecaleca e na neimami qaravi na tamata e vuravura taucoko. Vukei keimami me keimami kakua ni solia baleta ni o ni gadreva. Emeni.

MACAWA 39

SUSUGA NA VAKACEGU

SEVITEBA 24

JONI 14:27—"AU SA LAIVA VEI KEMUDOU NA VAKACEGU, AU SA SOLIA VEI KEMUDOU NA NOQU VAKACEGU; AU SA SEGA NI SOLIA VEI KEMUDOU, ME VAKA SA SOLIA KO VURAVURA. ME KAKUA NI RARAWA NA YALOMUDOU, SE RERE."

E da sokalou vua na Kalou salavata na ka eda taukena baleta ni oqo e gaunisala ni noda susuga na vakacegu ni Kalou e na lomada. Vakacegu se na "Shalom" ena vosa

vaka-Iperiu e tabea mai na vakasama ni "taucoko, se "kecega" se "vakayacori". E da lakova vakalevu e rua na yavu lelevu me da dau vakaotia kina na noda karamacataka na vakacegu, oya o Jisu se o Vuravura. O i rau na rua oqo e rau sega dina ni tautauvata.

Vuravura e vakayaloqaqataki keda me rawati na sasaga ni kena vakavotukanataki nai yau ni bula oqo. E liutaki rau ruarua na vutuniyu kei na dravudravua me rau ogaoga vakalevu e na kena vakaotuburi na veika lailai e tu. Ka ni rarawa, ni vaka e ra gunu mai na dua na tobu wai se wasawasa ka sega ni vakacegui rawa na karamaca. Nai yau taukeni e sega ni wali vinaka ni noda tataqomaki, vakila na malumalumu, kei na kena rerevaki na veika vovou e yaco mai. Sokarate e dua na tamata vuku ka taubale e na loma ni dua na makete mai Aceni, qai vosavosai yalona taka, "O cei mada e rawa ni vakasamataka ni levu na ka e rawa niu cakava ka sega ni dodonu me caka? E noda gagadre li me vakalevutaki?

Na kena veibasai na i tabatamata e ra gadreva vakalevu nai Vola Tabu e veivakayaloqaqataki vei ira na vakabauta me ra lomavinaka e na ka e tu vei ira (Filipai 4:11 – 13; 1 Timoci 6:6 – 12; 2 Korinica 12:9, 10; Roma 8:28) ka tubu e na vakacegu. Ni da lotu, na noda veiqrarvi e sega ni kena i balebale me da lomavinaka e na dela ni noda vakasavuliga. E da lomavinaka baleta e da vakaraitaka ni liga kaukauwa ni Kalou kei na nona loloma e tu vakarau me kauwaitaka na noda leqa, gagadre kei na bula vakayalo. Eleni Vulavula e vola ka vakaraitaka na nona dau veivakarautaki na Kalou e kaya, "O Koya e vinakata me da vakatakilai Koya ni dausolia na ka kecega; qo na vuna e kaya kina ni veika kece dou taukena mo dou vakatikitikita nai Katini me Noqu, kenai kuri nai solisoli me lako kina noqu vale ni yau." (Counsel on Stewardship, pp. 80, 81). Na vakalevutaki ni loma vinaka e na soli ka sa bau dua na tubu levu dina.

Ena macawa oqo, na soli ni katini kei na i solisoli vakatokai na Yalayala, na Kalou e solia e dua na gauna ni kena susugi na vakacegu vei keda e na vuravura leqa oqo.

MASU: Keimami laveti Kemuni e na nomuni dau veivakarautaki yalodina. E na neimami guilecava ka yaco kina na lomaleqa, sa vukei keimami me keimami nanuma na nomuni vinaka e na neimami solia lesu vei kemuni kei ira na veiwekani. Emeni.

OKOTOVA

VAKATEKIVU 2:7 A SA BULIA NA
TAMATA NA KALOU KO JIOVA
MAI NA KUVU NI QELE.

MACAWA 40

MO VAKAVUANA

OKOTOVA 1

JONI 15:4—“DOU TU VEI AU, KAU NA TU VEI KEMUDOU. ME VAKA SA SEGA NI VUA RAWA NA TABANA VAKAI KOYA, KEVAKA SA SEGA NI TU VATA KEI NA VAINI; ENA VAKA TALEGA KINA KOI KEMUDOU, KEVAKA DOU SA SEGA NI TU VEI AU.”

Eda sokalou vua na Kalou salavata na ka eda taukena mei sau ni nona kacivi keda me da vua. E vakamamasu o Joni na Dauveipapitaiso vei ira na gole tiko mai vua me ra papitaiso; me ra vuataka na vua e kilikili kaya na veivutuni (Maciu 3:8). Vei Joni, na papitaiso kei na na nona vakatokai edua me tamata ni Kalou se bera ni koya taucoko oya. Na kospipeli nei Luke e wasea eso na kena vakaraitaki na “vua ni veivutuni” e wasea tiko o Joni. E kerei ira na dau kumuni vakavacava me ra kua ni soqona e sivia mai na ka e lavaki. E vakamasuti ira na sotia me ra kua ni daukovea nai lavo ka me ra lomavakacegu ena kedrai sau. Ka vakaroti ira na lewe vuqa me ra wasea na nodrai sulu kei na kakana vei ira e sega tu vua edua na ka. (Luke 3:10-14). Na varaitaki e vola tiko qo o Luke edua kecega na kedra yavu; sai koya na nonai tovo edua na tamata ena vuku ni lavo kei nai yau. Na vua ni veivutuni sai koya na noda yalomatua ena kena vakayagataki na ka eda taukena me ra vakalougatataki kina na tani.

Nai Vola Tabu e talanoataki Nepali, na luvei Eparama ka vakalougatataki vakalevu sara ia ka sega ni vuataka na vua ni veivutuni ena ka e taukena. E sega ni via saumi ira na maroroya na nona qele ni manumanu ka vatonaki ira talega vakaca na tamata nei Tevita ena nodra mai kere kakana. Nai tovo oqo e mani vakavuna kina na watina me vakatokai koya me tamata ca ka kuria, “A yacana ko Nepali, a sa tu vua na lialia”.(1Samuela 25:25). Ea mani mate ni oti e tini na siga.

Ni da railesu ena gagadre ni noda vuataka na veivutuni

ena nodai yau, me da muria nai vakasala nei Jisu, “Dou tu vei Au ka’u na tu veikemudou”. Na kenai sau ena uasivia na ka eda namaka. Na macawa qo, ni da mai sokalou vata kei na nodai katini kei nai solisoli, me da vuataka na vua ni veivutuni.

MASU

Turaga, vukei keimami me keimami vuataka na vua ni veivutuni ena veiyasa ni nemami bula taucoko. Ni vukei keimami me keimami sema tiko veikemuni ena veigauna kece ena neimami daumasu ka vulica nai Vola Tabu. Emeni.

MACAWA 41

LOLOMA VUA NA WATINA

OKOTOVA 8

EFESO 5:25—“OI KEMUDOU NA TAGANE VAKAWATI, LOMANI IRA NA WATIMUDOU, ME VAKA SA LOMANA NAI SOQOSOQO LEWE NI LOTU NA KARISITO, A SA SOLI KOYA E NA VUKUNA;”

E da sokalou vua na Kalou salavata na nodai katini,solisoli kei na kani loloma baleta ni lomana na Kalou nai soqosoqo lotu. Nai soqosoqo lotu, me vaka edua nai kumukumu tamata vakabauta, e tauyavutaka ko Jisu. (Maciu 16:18). E soli Koya ena vuku ni soqosoqo lotu (Efeso 5:25). E Ulu ni soqosoqo lotu(Efeso 1:22) ka Yavudei ni soqosoqo lotu(Efeso 1:20), ka tiki ni yago i Karisito(Kolosa 1:25). Ka vakatokai talega me “Wati ni Turaga” (Vakatakila 19:7,8). E soli talega vua nai soqosoqo lotu me duru ka yavu ni vakavuvuli dina (1Timoci 3:15). E vola ko Ellen White na ka me baleta nona lotu na Kalou, “Ena rairai malumalumu ka tukuni ni ca, na lotu sai koya na ka e vakamareqeta na Kalou. Oqo na lololo ni nona loloma savu, ka marautaka me vakaraitaka kina na nona kaukauwa me veisautaka na loma ni tamata. (Acts of the Apostles.p12)

Mei dole ni nona lomana na Kalou nai soqosoqo lotu, o ira na tamata vakabauta ena lotu taumada era dautokona nai soqosoqo lotu tu voleka kei ira na tu vakayawa.(Cakacaka 2:45). Ni oti edua na lauqa ena vanua ko Roma, e vola o Luke na nodra veivuke na lewe ni lotu. Vakawasoma na nona dauvolu o Paula na nodra soli kani loloma na tamata ni Kalou e Jerusalemi. Era dautokoni na vunautaka nai tukutuku vinaka ena kena soli na kedrai sau(1Timoci 5:17-18). E vakadeitaka o Paula ena ka e cavuta ko Jisu ni

dodonu me soli vua na tamata cakacaka na kenai sau. Na tamata vakabauta ena lotu taumada era vakaraitaka na nodra loloma kei na lomasavu ena nodra qarava na lotu ni Kalou.

Nai soqosoqo lotu e tu na nona malumalumu ia e rui lomani ka matalia na nonai naki. Ena macawa oqo ni da sokalou vata na nodai katini kei nai solisoli, me noda masu me da dautokoni ira talega o ira e lomani ira vakalevu o Jisu.

MASU

Turaga, Vinaka vakalevu na nomu tauyavutaka na nomuni lotu e vuravura kei na neimami duitikotiko. Vukei keimami me keimami vakadadamuria na Nomuni loloma ena kena tokoni o ira na veiqravi ena vukumuni. Emeni.

MACAWA 42

DUA GA NA VANUA DUA GA NA KALOU

OKOTOVA 15

VUNAU NI SORO 17:5—“KA ME RA KAUTA GA NA NODRA I SORO NA ISIRELI ERA VAKACABORA MAI VANUA, IO ME RA KAUTA VEI JIOVA, KI NA KATUBA NI VALE NI VEITAVAKI, VUA NA BETE, KA VAKACABORA MEI MADRALI NI VEIVINAKATI SA CABORI VEI JIOVA.”

E da kauta mai na nodai katini kei nai solisoli enai soqosoqo lotu baleta ni tiki ni qaravi Kalou dina. Vunau ni Soro 17:5 e solia nai vakasala vei ira na Isireli ena vanua donu me ra biuta kina na nodrai solisoli. E dua ga na vanua e biu kina ka sega ni levu. Ena tu beka na lomatarotaro se cava e rui bibi kina na vanua oqo. E talei ni kaya na tikina oqo e sega walega ni tukuna na vanua se na vale ni sokalou, e tukuna talega na Kalou koya ciqoma na nodrai solisoli. Vei ira na Isireli na Valenisoro e nona vale na Kalou, ka vanua e tiko kina na Kalou. E vakatabui na vanua oqo me baleti koya na Kalou e qaravi kina. Ni ra kauta na nodrai solisoli e na dua tale na vanua oqo sai vakatakarakara ni qaravi kalou matakau ena gauna oya. E vakarautaka na Kalou edua na vanua me ra biuta kina na nodrai solisoli baleta ni okoya ga e dodonu me uto ni nodra sokalou.

Nikua sa dau mai ulutaga tu ni veitalanoa ka va vu veiba na

vanua donu me kau kina nai solisoli. E dua nai vakaraitaki ea vakayacora na tui ko Tevita nia kaya, “Au na curuma na nomuni vale ka kauta nai soro kama; Au na vakayacora vei kemuni na ka ka’u a bubului kina” (Same 66:13). Vadeitaka o Ellen White na yavu me ra dabe kina na tamata ni Kalou ena gauna oqo: “Ni sa kena gauna oqo me vakayagataki nai katini kei nai solisoli e nona na Kalou me vakacavari kina na cakacaka. Me kau mai ena kena lololo me rawa ni vakayagataki ena gaunisala dodonu me ra tokoni kina na kauta tiko nai tukutuku vinaka. (Manuscript Release Vol 19, p.376. E kuria o Ellen White ni lololo oya sai koya na valenivolavola ni lotu ka tu na kena tabana me qarava nai solisoli me tokona na nona cakacaka na Kalou. E sega ni kauta tani na noda via qaravi ira na vakaloloma kei na dravudravua. E dodonu me tiko talega na ka eda tikica me ra vukei kina na vakaleqai.(Welfare Ministry p.275). Nikua e dua tale na gauna vinaka me da kauta mai na nodai katini kei nai solisoli ena nonai soqosoqo lotu na Kalou. Ni da qarava na Kalou ena kena vanua donu, me da digitaka vakadua tale nikua ni o Koya ga e dodonu me uto ni noda sokalou.

MASU

Turaga, vinaka vakalevu na nomuni vakasala me baleta na vanua donu me keimami kauta kina na neimami katini kei nai solisoli kei na kena vakayagataki donu. Vukei keimami me keimami vakararavi e na Nomuni vuku ka tudei tiko vei Kemuni. Emeni.

MACAWA 43

VAKAVINAVINAKATAKI NA KANI VEIVAKALOUGATATAKI VAKAYALO

OKOTOVA 22

TIKO VOLI MAI NA LEKUTU 18:24—IA NAI KATINI NI NODRA KA NA ISIRELI, ERA VAKACABORA MEI SORO E LAVELAVETI VEI JIOVA, AU SA SOLIA VEI IRA NA LIVAI ME KEDRAI VOTAVOTA: O KOYA KA’U SA KAYA KINA VEI IRA, ME KAKUA NA NODRA I VOTAVOTA E NA KEDRA MALIWA NA ISIRELI.

E da qarava na Kalou salavata na nodai katini kei nai solisoli baleta ni digitaki ira nai liuliu vakayalo me ra qaravi ira na nona tamata. Nai vola nei Moses e vakaraitaka e

rua nai kumukumu vakayalo kei na nodra qaravi. Eda wilika ena Tiko Voli Mai Na Lekutu 18:2 Ia na wekamu talega e na mataqali i Livai, a mataqali ni nomu qase, mo kauta vata kei iko, me ra tiko vei iko, ka qaravi iko; ia koi kemudou vata kei na luvemu, dou na dauveiqrav e na mata ni vale ni vunau. Na wase ni Volatabu oqo e railesuva ga na nodrai tavi na Bete kei na Livai. O ira na bete me ra veiqrav e na cabocabo ni soro kei na loma ni Valenisoro; O ira na Livai me ra qarava na veika tale eso ena loma ni Valetabu. E tiko nai tavi duidui me rau qarava na rua nai kumukumu ka dina ga ni vakatokai ko Isireli me "dou na matanitu bete vei au, kei na vanua tabu. (Lako Yani 19:6). Na veiqrav oqo e kauta mai na veivakalougatataki vakayalo.

E ra bulu vakacava ena veisiga? Eda wilika ena Tiko Voli Mai Na Lekutu 18:8b,24: "au sa solia vei iko mei votavota, vei ira talega na luvemu, me kemudou ka tawa mudu". "Ia nai katini ni nodra ka na Isireli, era vakacobora mei soro e lavelaveti vei Jiova, au sa solia vei ira na Livai me kedrai votavota: o koya ka'u sa kaya kina vei ira, Me kakua na nodra i votavota e na kedra maliwa na Isireli..". Na Kalou e solia nai solisoli vei ira na bete vata nai katini vei ira na Livai. Na veisolisoli oqo e tiki ni nona veivakarautaki na Kalou me ra tokoni kina nai liuliu vakayalo vei ira na Isireli. Na veika oqo e sema vinaka tu ena vakasama ni nodra veiqrav e gadrevi kina na veisorovaki. E rau okata talega o Jisu kei Paula na yavu ni veiqrav oqo me dauvakayagataki ena nodra tokoni na dauniveiqrav ena lotu. (Maciu 10:9-10; 1Korinica 9:3-10; 16:2)

O ira nai talatala kei nodai liuliu vakayalo erai vurevure ni kalougata. E saumi ira tiko beka na noqui katini kei nai solisoli? Na kenai sau; E SEGA!. Ni sa vakasukai nai katini kei nai solisoli esa okati me nona na Kalou ka na biuta ga na Kalou na vanua e lomana kina. E dua tale na vuna me da soli kina me rawa ni da cakacaka vata kei na Kalou ena kena tokoni na cakacaka bibi ni kaulotu. Ena macawa oqo, ni da mai sokalou, salavata na nodai katini kei nai solisoli, eda sa marautaka na kalougata levu ni rawa ni da cakacaka vata kei na Kalou.

MASU: Turaga, keimami vakasuka vei Kemuni na neimami katini kei nai solisoli baleta ni keimami vakavinavinakataki na kani veivakalougatataki vakayalo vei keimami. Keimami kalougata vakalevu ni rawa ni keimami tiki ni nomuni tuvatuva. Emeni.

MACAWA 44

KI NA TAMATA YADUA . . . MAI NA KA KECEGA

OKOTOVA 29

VAKATEKIVU 14:20B—"A SA SOLIA VUA KO EPARAMA NAI KATINI NI KA KECEGA."

Eda sokalou vua na Kalou salavata na nodai katini kei nai solisoli baleta qo edua na kalougata levu. E dina beka oqo? Ena so na vanua, eda dau veibataka o cei me soli katini. Eso era vakaqiqotaka ga na soli katini va na so nai kumukumu ka ra qai laveta mai na Vunau ni Soro 27:30,32:. Na tikina oqo e vakaraitaka tiko nai katini mai na qele se na manumanu. Era soli katini ga na dauteitei kei na susu manumanu ka ra vakuwai na qasenivuli,daunibisinisi,dau tara vale mai na soli katini?e so ena marautaka ka so e sega ni marautaka. Nai layoyal rabailevu ni Vunau ni Soro 27 e vukei keda me da tasereka na leqa oqo.

Na wase ni Vola Tabu oqo e solia mai vakasala ena kena dau vakayagataki se veisautaki mei lavo na ka eda solia vua na Kalou. E veisau oqo e okati kina na tamata,manumanu,vale,qele kei na vanua e sa sorovaki vua na Kalou. O ira na Isireli era rawa ni veisautaka nai katini ni veika e teivaki mei lavo, ia ka sega ga ni dua na ka e vakaraitaka me baleta na manumanu me baleta na kena rawa ni veisau vata nai lavo. Na vuni kena mai lutu toka nai vakamacala oqo me baleta na ka e da raica tiko ena wase ni vola tauoko: veisautaki mei lavo na ka e sorovaki vua na Kalou. Kevaka sai lavo tiko nai katini,ena sega tale ni yaga me veisautaki se cavuti tale ena Vunau ni Soro wase 27.

Sa matata vakasigalevu ni katini kece ni manumanu,qele se vu tale mai ena dua na vanua era sa vakatabui kece me nona na Kalou. E namaka na Kalou nai katini ni ka kecega vei keda. Na veiqrav e ra sega ni vakuwai kina na dauteitei. Eda sa sureti ena macawa oqo me da sokalou vua na Kalou Dauveivarautaki vata na nodai katini kei nai solisoli.

MASU

Turaga, keimami vakavinavinakataki kemuni ena vuku ni kalougata levu ena kune ena vuku ni neimami dausoli ka. Ena vuku ni nomuni loloma, keimami via doka na veika keimami sorovaka vei Kemuni. Emeni.

NOVEBA

VAKATEKIVU 2:18 A SA KAYA NA
KALOU KO JIOVA, SA SEGA NI
VINAKA ME TIKO DUADUA NA
TAMATA: AU NA BULIA E DUA
NA DAUVEIVUKE E YAGA VUA.

MACAWA 45

OKATA ME NOMU NA VOSA NI
YALAYALA

NOVEBA 5

SAME 34:8—“DOU TOVOLEA MADA KA
RAICA NI SA YALOVINAKA KO JIOVA
; SA KALOUGATA NA TAMATA SA
VAKARARAVI VUA.”

E da qarava na Kalou e na i yau wavoliti keda baleta ni biuta vei keda e dua na veiyalayalati/vakaro me da vakatusa me noda na nona vosa ni yalayala. E Levu tu na nona vosa yalayala na Kalou e na volatabu. Ko Everett.R.Storm e tauri Koya e dua na veimama na yabaki, me vakawilika na nona vosa ni yalayala na Kalou vei keda na kawa tamata tabu saka yani, ka qai kunei ni 7,487 e toka va na volatabu. E wasei se vidai tu vakatolu nai vakatakilakila ni vosa yalayala oya:

- E da rawa ni vakatusa me noda.
- E tiko eso na i vakaro mo cakava, mo rawa ni okata me nomu na nona vosa yalayala na Kalou.
- E ka Dina na Nona vosa ni yalayala.

E vola ko Paula e na nona vakabauta taucoko, “ni se vakacava tu na levu ni nona vosa ni yalayala na noda Turaga, Ki vua na Kalou e dei / dina/ ka vakaiotaka talega. (2 koronica 1:209). Ni vakaio na Kalou,e na sega ni dua me na vakaseva se vakasega kina. E vola na marama vada ko Ellen.G.White ni vei ira taucoko na vakamuria/ vakarokorokotaka na Kalou, e na yalo e dei era na rawa ni okata me nodra na veivakasinaiti ni nona vosa ni yalayala. (Christ object lesson P.145)

E na dua nai talanoa, me baleti Fred Stire, e dua na dau teitei mai Hollister California, e vakaraitaki kina na bibi ni nona talairawarawa, ka qai rawa vua me okata me nona na vosa ni yalayala ni noda Turaga. E na dua na yakavi, ni se rarama toka na vanua, e raica ni ra sa robota taucoko na

nona veiteitei na manumanu na Army Beetles. E veicicyaki na nona vakasama, ena nona vakasamataka na veika e na lako curuma baleta ni manumanu qo e dau kania taucoko na veika e na i teitei. E se veicicyaki tikoga na nona vakasama, E taroga mai vakamalua ko Helen na luvena yalewa. “Ta, iko dau sauma na nomuni katini ? Sauma sara yani o tamana ‘Io’. E vakacava mo kerea na Kalou me vakayacora na Nona yalayala ka kerea vua me vakatalai ira laivi na manumanu. E yavalati ko tamana (Fred), ka tekiduru ka masu, ka vakatusa na Nona yalayala na Kalou ena Malakai 3:10” Dou kauta kece mai nai sigana ki na lololo,me so kina na kakana ena Noqu vale, ka vakatovolea au mada kina, sa kaya ko Jiova ni lewe vuqa, seu na dolava, se segai na katuba ni lomalagi, ka sovaraka vei kemudou na ka Ni veivakalougatataki, me na sautu dina sara. Ni oti ga na masu, e ratou raica edua nai kumukumu manumanu vuka ni sa vakaruguta na nodratou veiteitei. Ena gauna era vakanadaku kina na manumanu vuka sa ra yali talega na manumanu somidi dauvakacacana nai tei qo.(Army Beetles).

Na noda Kalou e dolava tu vei keda na veivakalougatataki mai lomalagi, vei ira ga era talairawarawa ka cakava na lomana. E na macawa oqo ni da mai sokalou, me na vuksi keda na Kalou, e na noda na solia tiko na nodai katini kei nodai solisoli ka vakatokai na Yalayala. Ni da na vakayacora vakakina, e biuti keda ena dua na vanua, me rawa kina me da okata me noda na vosa ni yalayala.

MASU: Turaga vinakavakalevu na nomuni vosa ni yalayala e na yalotabu ko ni solia vei keimami. Ni ubia e na neimami bula, kauta laivi na nuiqawaqawa kei na bula ni yalo lailai, ka dau vakatatao tu e na neimami dui bula.

*Story of Fred Stirewalt adapted from <http://guidemagazine.org/pdfs/Guide-5-23-20.pdf>, pp. 12-14.

MACAWA 46

NA VEISOROVAKI ENA VUKU NI
KAULOTU VAKAYABAKI

NA SOLI NI VEISOROVAKI ENA
VEIYABAKI (GLOBAL MISSION)

NOVEBA 12

Na cava o na solia ena cakacaka ni kaulotu?

Ko ira na tekivuna taumada na kau-lotu, e ra okati me ra

tamata qaqa. E na noda vuravura, drau vakadrau na kau-lotu, e ra lakova na veivanua e so, me ra lai tauyavutaka na soqosoqo lotu. E levu na vanua e ra vakalakova e se sega ni bau ciqomi kina na lotu, ia, e se sega talega ni se bau dua e vakaraitaka vei ira na kumukumu oqo ni ra na SEGA NI RA NA RAWATA NA I NAKI NI KAU-LOTU. Ni ra dau lako ka kauta voli nai tukutuku kei Jisu Karisito, e ra dau lai tiko voli vata saraga kei ira na lewe ni tikotiko oya. E ra na dau kana vata, qito vata, e ra cakacaka vata ka bulataki talega na bula vakaivakarau. E na tiko vei ira na bula ni veiciqomi, ka ra vakaraitaki vinaka talega. Me yacova sara na gauna e ra sa vakadeitaka ni ra sa rawata na nodra veivakabauti, e ra sa na sureti sara me ra muria na mawe ni yavai Jisu. Ko ira na dau kau-lotu e ra dau solia tu na nodra gauna kei na nodra dina e nai tavi e vakacolati tu vei ira, ka nodrai tavi levu o ya me ra tovolea me ra semati tiko na lewe ni lotu e na veigauna ki vua na Kalou.

VAKAMAMASU: Na soli ni veisorovaki ena soqoni tiko ni cava na dua na macawa ni masumasu, ka ni gauna vinaka oqo me rawa ni da soli kina ena noda tokona na kaulotu. Sa da kerei ka da vakamasuti me da soli ena loma savu kei na yalo e marautaka.

MASU

Turaga na Kalou, ni vukei keimami me keimami biuta laivi e so na i tovo ni bula vakayago keimami dau vakabobulataki tu kina. Vukei keimami me keimami kila na kena veitokonitaki na bibi ni soli vakayabaki ni kau-lotu.

MACAWA 47

NA SOLI VAKAWASOMA

NOVEBA 19

LELEI JEREMAIA 3:22-23—“A LOLOMA GA I JIOVA EDA SA SEGА NI VAKAOTI KINA, KA NI SA SEGА NI MUDU RAWA NA NONA YALOLOLOMA. SA KA VOУ E NA VEIMATAKA, SA KA LEVU NA NOMUNI YALODINA.”

Eda sokalou vua na Kalou ena noda dausoli vakawasoma me baleta na levu ni nona dauveivarautaki ka veisotavi ki na noda bula. Na gauna e dau sotava kina na dredre kei na

veivakatovolei, e dau vakayagataka na yaca e kilai kina na Kalou me vakatakila na nona loloma kei na nona vinaka. O koya edua e vakila na nona loloma kei na nona vinaka na Kalou. E dau vakaraitaki koya na Kalou ena veigauna kece sara ni sotavi na dredre. E sega ni digia na kalougata lelevu se na kalougata lalai, ka ni dauveivarautaki na Kalou ena kani veivakalougatataki kecega. Ena vuku ni ka oqo sa qai vakadavora o Isireli edua nai walewale ni soli ka me tiki ni nodra sokalou.

Tiko Voli Mai Na Lekutu wase 28 kei na 29 e volaitukutukutaka na nodra dau sokalou kei na soli ka vakawasoma vua na Kalou. Era qaravi Kalou ena veisiga, veimacawa, veivula kei na veisolevu tale eso. Me baleta na ka era vakacabora, era kauta mai (Tiko Voli Mai Na Lekutu 28:3). Kenai kuri ni ka era daukauta mai ena veimacawa, veivula kei na siga ni solevu mei kuri ni ka era dauvakacabora. Ena gauna ni solevu tabanikau, era daucabora e levu sara na kani vakacaboisoro, ia e walu ga e cavuti tiko ena tikini Volatabu oqo, ka yadua ena veisiga ni solevu, mei kuri ni ka era sa daucabora tiko mai ena veisiga (Tiko Voli Mai Na Lekutu 28:12-38).

Na kedrai yaloyalo na Isireli e vakaraitaka vei keda me da kakua ni dausoli ka walega ena gauna ni Siga ni Mate, Siga ni Sucu se na dua tale na Sigatabu. Ni da raica tu nai yaloyalo ni Kalou koya e veisotavi tu ena noda bula ena veigauna taucoko sa dodonu vakakina vei keda na luvena me taucoko talega nai valavala ni noda soli ka ka kua ga ni vakadraki walega. E taucoko tiko li nai vakarau ni noda soli ka? Eda dau vakila na reki ni da vakaitavi mai na vuni lomada ena vuku ni soli ka. Nai wali kece ni noda dausoli ka e yavutaki mai na noda dautuvana vakamatau na veisolisolli eso me da soli me kakua ni dau vakavu lomaocaoca vei keda.

MASU

Turaga, vinaka vakalevu na veika lelevu ko ni dauvakarautaka ena vukui keimami. Keimami sa digitaka nikua me keimami qaravi kemuni vakaoti ena neimami vakanikitikitaka nai solisoli eso e dodonu ga me keimami solia veikemuni. Ni vakataudeitaka na neimami digidigi. Emeni.

MACAWA 48

**KUA WALEGA NI QARAVA, MO
RAWATA TALEGA**

NOVEBA 26

VAKARUA 8:18—IA MO NI NANUMI JIOVA
GA NA NOMUNI KALOU: NI SAI KOYA
SA SOLIA VEI KEMUNI NA KAUCAUWA
MO NI RAWATA KINA NAI YAU, ME
VAKATAUDEITAKA KO KOYA NA NONA
VEIYALAYALATI, SA BUBULUI KINA
VEI IRA NA NOMUNI QASE, ME VAKA
EDAIDAI.

Eda sokalou vua na Kalou baleta ni solia vei keda na kaukauwa me da rawata nai yau. Na vosa vakatautauvata ni taledi e vakaraitaka e tolu na tamata cakacaka ka vota vei iratou na nodratoui liuliu vakacakacaka na ka me ratou cakacakataka ka vakatalega kina nai walewale ni nodratou cakacakataka na nodratou taledi. Edua na ka e ratou tautauvata kina na lewe tolu oqo ni ratou kauta lesu mai vua na nodratoui liuliu vakacakacaka na ka e duivotai vei iratou. Ia na duidui ga e kune ni rua e rau vakaikuritaka ka dua e lai vunia. Vei rau na rawata na kenai kuri sa qai yaco me vakalevutaki na ka e rau taukena. Me vaka na vosa ni yalayala ni Kalou, e soli kece vei keda na kaukauwa me rawa ni da rawata vakalevu na kenai kuri, ka kani rarawa ni na yaco eso vei keda me laki vunia ka calata na kalougata levu e solia wale na Kalou.

Ni da tamata vakabauta, e da na tarogi ena ka eda taura kei na ka eda rawata mai. E vola ko Ellen White na veimala ni vosa oqo, "Ni da ciqomi Karisito ena vakabauta, eda sa vosa ni yalayala talega kina me da nona tamata cakacaka na Kalou, ka dodonu me da na cakacakataka na veitaledi kece sara e soli vei keda ena kenai vakatagedegede cecere taudua, me rawa ni da cakava kina na veika vinaka e rawa ni da vakayacora." (*Christ Object Lesson*, p.330). Na tubu ena veiyasa kece ni noda bula kei na nodai vakaitavitaki keda ena veicakacaka eso erai tavi kacivi vakalomalagi. Nai tavi oqo e na gadrevi kina na noda veivakayaloqaqataki, vosota kei na bula vakaivakarau baleta eda na valu tiko ena veisiga. Ia nai tukutuku talei ni rawa ni da na qaqa baleta ni dei tu na nona vosa ni yalayala ni Kalou ena tuberi keda me da na rawata na ka kecega.

Na yavu ni cakacaka "ena kena rawati nai yau levu duadua" sai koya na veisureti me da ilova tale noda bula ni soli ka. Nikua, ena vuku ni soli ka e na yalodina, sa yaco me da vu

ni veivakalougatataki. Ena macawa oqo ni da mai sokalou, salavata kei na nodai katini kei nai solisoli, me da railesu ka masu me rawa ni da vu ni veivakalougatataki vei ira na tani ena kena tubu na ka eda taukena me vaka na kenai vakarau dina.

MASU: Turaga, keimami vakacaucutaki kemuni ena nomuni nuitaki keimami ena veisolisol talei oni vakalougatataki keimami kina. Keimami sa na duavata kei Kemuni ena kena sorovaki na ka keimami taukena me rawa ni gaunisala rabailevu ena nodra vakalougatataki na kawa na tamata. Emeni.

TISEBA

**2 KORINICA 1:20 NI SA IO NA
VOSA NI YALAYALA KECEGA NI
KALOU.**

MACAWA 49

**NA DAUVEIVARAUTAKI
DUATANI**

TISEBA 3

SAME 145:15—SA RAI VEI KEMUNI NA
MATADRA NA KA KECEGA; IA KO NI SA
SOLIA VEI IRA NA KEDRA E NA GAUNA E
DODONU KINA."

E da sokalou vua na Kalou ka salavata kei na ka eda taukena baleta ni dauveivarautaki ena ka eda gadreva ni se bera ni ra dau basika mai. Ena tadra, na Kalou e tukuna vei Fero na vitu na yabaki ni dausiga e Ijipita. Ia ni se bera ni yaco na dausiga, sa vakarautaka e vitu na yabaki ni sautu. Ena veiliutaki nei Josefa, sa rawa ni ra maroroya e levu na ka me vakarautaki ira ena gauna ni dausiga. Na Kalou e veivakarautaki ni se bera ni yaco na leqa. E vakaraitaka o Josefa vei iratou na tacina ni Kalou e tuvana vakamatau na ka: "A sa talai au na Kalou meu liutaki kemudou, me maroroi na nomudou kawa e vuravura, ka me vakabulai kemudou ena veivakbulai levu (Vakateku 45:7). Na ka eda gadreva se na drakidrakita ni bula eda sotava nikua e sega ni dau yaco vakacalaka vua na Kalou.

Ena gauna ni Covid 19 e sotava edua na matavuuale na nona veivakarautaki na Kalou. Me baleta ni ratou tiko ena dua na matanitu tani, e na gadrevi me vakavouia o

marama na nona vola tara ni cakacaka. E taura edua na gauna balavu na nodratou waraka na vakavoutaki ni vola, ka mani yacova ni lai vakayalia na nona cakacaka. Ia na ka veivakurabuitaki ni vitu na vula yani ki liu e levu na kabani era sa vakatala na nodra tamata cakacaka ki vale ni sa sega ni veiraurau kei na ka era rawata tiko. Na gauna era cegu kina ena cakacaka, na marama oqo e dei tiko ga na nona cakacaka me yacova sara na gauna sa sega ni rawa ni qai mai vakavoui tale kina na nonai volatara ni cakacaka. Dina ga ni mai tadre na bula ena loma ni vuvale, ia nai lavo e kumuna ena loma ni vitu na vula yani ki liu, sa rawa ni bula tiko kina na matavuuale. Oqo edua nai vakavotukana ni nona veivarautaki na Kalou ni se bera ni yaco na leqa.

Ena macawa oqo ni da sokalou salavata kei na nodai katini kei nai solisoli, me da vakaraitaka na noda vakavinavinaka vua na Kalou dauveivakarautaki ka ni tu ga vua nai wali ni noda leqa kecega.

MASU: Turaga keimami sokalou veikemuni baleta nio ni kila na neimami veimataka ka ko ni sa vakarautaka talega ena vukui keimami na veigaunisala e so. Oi Kemuni na Kalou Dauveivarautaki. Emeni.

MACAWA 50

DAUSOLI KA ENA GAUNA NI SEGA NA KA

TISEBA 10

2 KORINICA 8:2—“NI RA SA VAKATOVOLEI TIKO E NA KA RARAWA SARA SA LEVU SARA NA NODRA REKI, KA SA KA TANI NA NODRA DRAVUDRAVUA, IA SA UASIVI CAKE VAKALEVU KINA NA NODRA LOMASOLI.”

Ena gauna ni leqa. e se rawa tikoga ni da qarava na Kalou salavata kei na ka eda taukena ni sai koya oqo na loloma savu ni Kalou. Ena gauna nei Paula, o ira na lewe ni lotu mai Masitonua era sotava tu e dua na gauna dredre ni bula vakailavo. Sa lailai mai na ka era taukena ia e sega ni kauta tani vei ira na yalo ni dausoli ka. Era duavata kei ira tale na so ni ra rawa ni vakaivotavota ena reki ni soli ka kei na nodra vakaitavi ena cakacaka ni Kalou dina ga ni sa sotavi tu na bula dravudravua. Oqo nai solisoli ni Kalou ki vei ira.

E tukuni edua nai talanoa me baleta na lomasavu ni soli ka ena gauna ni dredre. E vakamasuti ira na nona lewe

ni lotu e dua nai talatala me ra tauca edua nai solisoli ena bogi ni Kirisimasi. Nai solisoli oqo me na vagolei ena dua na matavuuale sega so ni rawa ka vinaka. E dua na vuvale dravudravua e ratou nakita me ratou solia talega na nodratou soli ena bogi oqo. E ratou maroroya na nodratou i lavo, vakuai iratou mai na veikakana vinaka e ratou dau marautaka e liu ena nodratou saga me ratou maroroi lavo me nodratou soli. Yaco mai na bogi ni soli e ratou sa kumuna rawa edua nai lavo vinaka ka ratou mani solia sara ena kato ni solisoli oqo. Ni oti na soli ena bogi oya, na levu ni nodratou reki ni rawa ni ratou bau cau tu ena cakacaka yaga oqo. Ni ratou curu ga e na nodratou vale ena bogi oya, sa rogo tale na tukituki e mata ni katuba ni sa kauta tiko yani nai talatala e dua na waqa ni vola ka tiko kina nai lavo me sotavi kina na gagadre ni vuvale.

Se cava nai vakatagedegede ni noda rawa ka se rawa ga ni da vakila na marau ni dausoli ka. E rawa ni da soli ka baleta na Kalou e sega ni lavaka mai e dua na ka, me da solia ga ena yaloda taucoko (2Koronica 8:3). Ena nona veivakarautaki, na Kalou e sureti keda me da solia me vaka na ka eda veisaumi kina, kei na noda vakaitavi e sega ni vakuai kina nai vakatagedegede ni ka eda taukena. Ena macawa oqo ni da sokalou salavata kei na ka eda taukena, sa rawa ni da na tovolea na reki se na marau ni soli ka.

MASU: Turaga, e na vuku ni nomuni loloma savu, o ni sega ni dau raica sobu na veika keimami kauta mai veikemuni. Keimami vakavinavinakataki kemuni ni rawa ni keimami vakaitavi ena nomuni cakacaka. Emeni.

MACAWA 51

E VAKAUKAUWATAKI IRA NA DAUVADAVO TUWAWA

TISEBA 17

1 SAMUELA 17:37—“A SA KAYA TALEGA KO TEVITA, KO JIOVA, O KOYA KA VAKABULAI AU MAI NA LIGA NI LAIONI, KEI NA LIGA NI PERA, ENA VAKABULAI AU KO KOYA MAI NA LIGANA NA KAI FILISITIA OQO. A SA KAYA VEI TEVITA KO SAULA, MO LAKO, IA ENA LAKO VATA KEI IKO KO JIOVA.”

Eda sokalou vua na Kalou vata kei na ka eda taukena baleta ni okoya ga e vakaukauwataki keda me rawa ni da lako curuma na bula vata kei na kena bolebole. E gole ko Saula

kei na nona mataivalu me ra valuti ira na Filisitia ni ra sa kaba tiko mai. Oqo e dua na cakacaka dredre ka ni ra lai valuta tiko qo edua na tuwawa ko Koliaci. Ena matai ni siga, enai matai ni macawa kei nai matai ni vula, e tomana tikoga o Koliaci na nona vakarerei ira tiko na Isireli. Ia ko Tevita, e dua na gonelailai mai Peceliema, ka kila vinaka tu na nona rawa ni veivakabulai na Kalou ena so na bolebole vaka oqo. Ka kilai tu enai volatukutuku ni veigauna na nona vakadavora na tuwawa levu oqo.

Me vakai Tevita, e dua na cauravou ea lako curuma talega edua na bolebole. E tubu cake ka tatadrataka tu me Dauvunau ia e mani sotava tale tikoga na leqa ni tauvimate. Na mate oqo edau vakaleqa na rorogo ni domona ka veigaunisala e daumuri me rawa kina na bula e sega so ni rawarawa. Taura na yabaki na nona vesuki tu ia e sega ni kauta tani na nona daukerea na veivuke ni Kalou. Ena nona veivakaukauwataki na Kalou ea mani yaco me vinaka na domona ka bula mai na mate oqo.

E da kila tu nai wali ni bula marau: me ra vuli na gone, pasi ena veitarogi, nanamaki ena dua na cakacaka vinaka, vakamatavuvale ka marautaka na bula. Ia ena so na gauna e dau sega ni vakakina. Sa vaka me dau veitaqataqai mai na leqa. Ia ni tiko na Kalou e dau basika na qaqa dina ga ni so na gauna eda sega ni daunamaka me yaco. Segi li ni koya na qaqa oqo me na dau biligi keda me da vakavinavinaka vua na Kalou? E na macawa oqo, ni da mai sokalou salavata na nodai katini kei nai solisoli, me da vakananuma lesu na veikavinaka sa cakava vei keda na Kalou.

MASU

Turaga, vinaka vakalevu na veivakabulai o ni sa vakayacora ki na neimami bula ka keimami sega ni kinoca rawa. Keimami sa solia ga vakaoti na neimami bula veikemuni mei dole ni ka levu o ni sa cakava ena vukui keimami. Emeni.

MACAWA 52

MARAU ENA VUKU NI GONE KAWA VAKATUI

TISEBA 24

MACIU 2:2—“ARA SA KAYA, EVEI KO KOYA
SA SUCU ME NODRA TUI NA KAI JUTIA?
NI KEITOU A RAICA NA NONA KALOKALO
MAI NA TU I CAKE, KA KEITOU SA LAKO
MAI ME CUVA VUA.”

E da sokalou vua na Kalou salavata kei na ka eda taukena ena vuku ni gone ko Jisu ena nona mai sucu e vuravura. Qo nai tukutuku e lalata na veitabagauna kecega. Ni sucu e dua na gone kawa vakatui, ena dauvakavurea e vuqa na ka vei ira na dauvolaitukutuku me baleti koya, ka vuqa na lewe ni vanua era daunanamaki me ra kilai koya na gone ena ka era vola na dauvolaitukutuku. Sa vakakina vei iratou na tamata vuku, ni ratou sa raica na kalokalo e ratou biu vanua me rawa ga ni ratou sotava na gone yalataki. Ni ratou sa yaco ki Jerusalemi e ratou vakaraitaka na vuni nodratou vakaqaqara mai baleta ni ratou via sokalou vua na Tui ka sucu vei ira na Jiu. Nai talanoa ni sokalou oqo sa rui ka bibi.

O bau kila li edua na sere e ratou lagata na tamata vuku? O bau kila li edua na masu e ratou cabora vua na Gone? O bau kila li na vosa e kidavaki iratou kina o Josefa kei Meri? E dua beka na ka e ratou kauta lesu ki nodratou? Na veitukutuku matalilai oqo era sega ni volai ena Kospipeli. Na vuni kena galu nai Volatabu ena so na veitukutuku lalai vakaoqo baleta na uto ni nona sucu na Gone e vakatabakidua ga enai yaloyalo oqo: “Ia ni ra sa curu ki vale, era sa raica na gone lailai kei Meri na tinana, a ra sa cuva sobu, ka vakarokoroko vua: ia ni ra sa sereka na nodra i solesole kamunaga, era sa vakacobora vua eso nai solisoli; na koula, kei na drega me vakamai, kei na mura”. (Maciu 2:11). E ratou doka na Gone kawa vakatui ena nodratou soli ka ni loloma.

Na kena marautaki na nona sucu o Jisu e se vakadinadinataki tu ga e levu na veivanua nikua ena veigauna sa oti wili kina na yabaki qo. Rogo sere totoka, marautaka na kakana talei, soli ka ni loloma kei na vakaitavi ena veisoqoni vakalotu eso. Ena macawa oqo, ni da mai sokalou salavata na nodai katini kei nai solisoli, me da vakananumi iratou na tamata vuku ena nodratou solia na veika talei e ratou taukena vua na Gone kawa vakatui.

MASU

Turaga, ni keimami veitalanoa, laga sere ka vakananuma lesu na sucu nei Jisu, vuksi keimami me rawa ni keimami sorovaka na neimami bula, neimami gauna kei na taledi veikemuni ka vakayagataka na ka talei keimami taukena me keimami dokai kemuni kina. Emeni.

MACAWA 53

NA SOKALOU E TAUCOKO TISEBA 31

ROMA 12:1—“O KOYA OQO, AU SA VAKAMAMASU VEI KEMUDOU, NA VEIWEKANI, E NA VUKU NI LOLOMA VAKAVUQA NI KALOU, MO DOU SOLIA NA YAGOMUDOU MEI MADRALI BULA, ME SAVASAVA, ME VINAKA VUA NA KALOU, ME NOMUDOU I SORO VAKAYALO.”

E da sokalou vua na Kalou salavata kei na nodai katini kei nai solisoli baleta qo ei vakaraitaki ni noda gagadre me da soli keda vakoti Vua. Ena nona volavola vei ira mai Roma, e vakaraitaka e Paula ni bula duadua ga e kunei vei Jisu ni da ciqoma ena vakabauta. Qai kuria ena ka e dodonu me da cakava sai koya na noda solia na yagoda mei madrali bula. E mate ena vukuda ko Jisu ka sa dodonu kina me da na bula ena vukuna. Eda sokalou vua nai Vakabula ena noda lako e valenilotu ka vakasuka na nodai katani kei nai solisoli, ia na sokalou dina e sega ni cava walega e kea. E kaya o Jisu, “Ia e ca vei kemudou, na Farisi! ni dou sa solia nai katini ni botebotekoro, kei na co kecega vakaoqo, ia na lewa dodonu kei na loloma ni Kalou dou sa biuta laivi ga; oqo e kilikili kei kemudou mo dou kitaka, me kakua talega ni biu na veika ko ya.” (Luke 11:42). Nai katini kei nai solisoli, dina ga ni rau ka bibi, ia se dua ga na tiki ni nona bula vakalotu e dua na tamata. E na yaco mei vakarau ni nona bula e dua e lomana na Kalou ka lomani ira vakakina na tani.

O Terry mai Hong Kong e dua nai vakaraitaki ni bula soli vakaoti vua na Kalou. Ena 1980 e digitaka me vulica na cakacaka vakaidinia ka mani rawata na kena koroi mai Hatfield Polytechnic mai Bolatagane. Qo e dua na tabana ni vuli ka lewe lailai sara era dauvulica ka mani yaco e Terry me kenadau naba dua ena cakacaka vakaidinia. Dina ga

ni sa rawati koya vinaka, ia e vakila tiko o Terry ni dua na ka e se yali tiko ena nona bula. Mai sotava o Terry na ka e yali tiko ena nona bula ena nona mai sotavi Jisu ena 1988 ka mani papitaiso sara ena Tiseba ni yabaki oya. Ni oti e vitu na vula, sa mani nakita me solia vakaoti nona bula vua na Kalou, biuta na cakacaka vinaka e cakava tiko, me sa laki vuli talatala. E mani qai vakaraitaka e muri o Terry ena nona kaya, “Ni sega ni dua na ka cecere taudua ena ruku ni matanisiga oqo me vakataka na veikila kei Jisu ka kenai kuri na bula tawa mudu”. Nikua e kilai tu o Terry me ko Dr. Terry Tsui, ka Peresitedi tiko ni Taiwan Adventist College.

Ena macawa oqo, ni da sokalou salavata kei na nodai katini kei nai solisoli, me yaco na noda soli ka mei vakaraitaki ni noda sorovaki keda vakaoti vua na Kalou.

MASU: Turaga, na neimami bula kei na ka keimami taukena e nomuni. Keimami masu ni ko ni na tuberi keimami ena dua nai vakatagedegede cecere ni neimami sorovaki keimami vei Kemuni ni keimami cavuikalawa yani ena dua na yabaki vou. Emeni.

ABOUT THE AUTHOR

PASTOR ERIC JEAN-BRUNO ANIEL BARBE

Pastor Aniel Barbe has served as an associate director of the Stewardship Ministries Department of the Seventh-day Adventist world church since July 2018. He was born in Mauritius, an island situated in the southwest region of the Indian Ocean. Previously, he served as the Stewardship Ministries director of the Indian Ocean Union and the Southern Africa-Indian Ocean Division (SID).

His parents, Roger, a former alcoholic, and Therèse, joined the Adventist Church when he was still a little boy. He sensed God's calling to serve as a pastor at a very

young age. Through God's leading and provision, he studied theology at Institut Adventiste du Salève, France. Later, he completed an MA in Religion with Andrews University at Babcock Extension Campus, Nigeria. His passion for studying the human mind led him to do a BA in Psychology/Education with the University of South Africa.

During his 26 years of pastoral service, Aniel was mainly involved in church pastoral work, administrative responsibilities, and departmental assignments. His primary passion is for pastoral work in the local church, which he considers the greatest school for ministry. He was enriched by the ten years he spent with the Youth Ministries department in his local conference and the Indian Ocean Union. He served as the executive secretary and president of his home conference and as president of the Indian Ocean Union.

He has been married to Micheline, his partner in life and service, for the past 24 years. They are the happy parents of Adam, the miracle of their lives.